



急就篇注叙

秘書監弘文館學士上護軍琅邪顏師古撰

急就篇者其源出於小學家昔在周宣粵有史籀

書演暢古文初著大篆秦兼天下罷黜異書丞相

李斯又撰蒼頡中車府令趙高繼造爰歷太史令

胡毋音無敬作博學篇皆所以啓導青衿垂法錦帶

也逮至炎漢司馬相如作凡將篇俾效書寫多所

載述務適時要史游景慕擬而廣之元成之間列

於祕府雖復文非清靡義闕經綸至於包括品類
 錯綜古今詳其意趣七句反實有可觀者焉然而時
 代遷革亟經喪亂傳寫湮訛避諱改易漸就蕪舛
 莫能釐正少者闕而不備多者妄有增益人用已
 私流宕徒浪反忘返至如蓬門野賤窮鄉幼學遞相
 承稟猶競習之既無良師祇增僻謬若夫縉紳秀
 彥膏梁子弟謂之鄙俚恥於窺涉遂使博聞之說
 廢而弗明備物之方於茲寢滯師古家傳蒼雅廣

尤精訓故待問質疑事非稽考不妄談說

必則十

而有徵先君

師古父思魯

常欲注釋急就

以貽後學雅志

昊天不弔奉遵遺範永懷罔

極舊得皇象鍾繇夫人一歲之等所書篇本備

加詳覈足以審定凡三十二章究其真實又見崔

浩及劉芳所注

後魏太宗元年敕崔浩解劉芳續注音義證三卷

人心不

同未云善也遂因暇日為之解訓皆據經籍遺文
 先達舊旨非率愚管斐然妄作字有難識隨而音

之別理兼通亦即竝載可以祛發未寤矯正前失
振幽翳之學攄制述之意庶將來君子裁其衷焉

急就篇卷第一

唐 顏師古 注

宋 王應麟音釋

明 毛 晉 訂

急就奇觚與衆異 觚音孤

觚者學書之牘或以記事削木爲之蓋簡屬也

孔子歎觚卽此之謂其形或六面或八面皆可

書觚者稜也 稜盧登反以有稜角故謂之觚言學僮

急當就此奇好之觚其中深博與衆書有異也
班固兩都賦曰上觚稜而棲金爵今俗猶呼小
兒學書簡爲木觚章蓋古之遺語也

羅列諸物名姓字

言此衆章列敘萬物之名及人姓字

分別部居不雜廁

廁初吏反

前後之次以類相從種別區分不相間錯也

種之

隴凡間居其反

用日約少誠快意

以其詳悉多所該備不費功日而心意開了故
云快意也禮學記曰師逸而功倍

勉力務之必有喜

喜許志反

勉力勤習以致業藝則能顯達可好喜也

好呼報反

請道其章

此後二句一韻

敘致已訖乃說之也

宋延年

微子紂之庶兄周武王克商封之於宋其後或

以國爲姓遂有宋氏延年之義取於壽考無疆也漢有李延年杜延年田延年篇首廣陳諸姓及名字者以示學徒令其識習擬施用也自此以下器用物務次敘皆同而說者乃云是當時弟子名姓又云是古賢聖之人本出易緯史游重述此說皆非也姓者竝是古來所有非妄造之名字或是舊人已經稱用或是新構義理然非實相配屬真有其人所以章中自云姓名訖

請言物又云諸物訖五官出以此求之其意可曉至如雜寶奇繪殊俗異物及疾病刑獄官曹職務豈非當時庠校之內悉自有乎皆汎說耳易緯中頗有姓名與此同者蓋後人妄取以附著之非本聖人所說也先儒通論舊云緯書之作僞起哀平應劭撰風俗通亦多設人姓而爲章句偶讀斯效急就之爲也

屬之欲反按胡孝反其字從木今從

手著直略反

鄭子方

鄭桓公友周厲王之子宣王母弟也宣王封之於鄭其後或以國為氏宋有鄭翩即其族也子者男子美稱方者言其正直不回也

衛益壽

衛康叔周文王之子也周公既誅管蔡而封康叔為衛侯其後亦因國為氏益壽亦延年之義也

史步昌

史氏之先本周大夫史佚音逸之後也周亦有史籀文救反晉有史黯於減反秦有史顛口果反衛有史狗于由反史魴于由反其後竝稱史氏此類甚多不可具載步昌言高步而昌盛也漢有李步昌

周千秋

周大夫周桓公宰周公周公忌父父讀日甫繼守官邑故有周氏周任之後亦為周姓千秋亦欲長

生久視也漢有張千秋田千秋

趙孺卿

卿叶乞郎反見楚辭大招

造父善御車周穆王封之趙城其後因稱趙氏晉之趙夙即其苗裔遂蕃衍焉孺幼少之號也卿言可為列卿也漢有蘇賢字孺卿

爰展世

展一作歷

爰氏之先本與陳同姓陳申公生靜伯甫伯甫八世一作葉孫爰諸生爰濤塗濤徒高反因而命氏其

後或為轅字又作袁字本一族也漢有爰盎

盎為

反展者伸也言子孫蟬聯不絕也或曰展誠也

高辟兵

辟音壁兵叶哺芒反見詩擊鼓無衣抑荀子俛詩

齊大夫高傒音奚者號高敬仲本齊之公族也其

後遂稱高氏大為著姓又惠公之孫曰公孫竈亦稱高氏辟兵言能弭止兵戎也

右章第一

鄧萬歲

鄧古國名本曼姓也其後稱鄧氏焉

曼音萬

楚有

鄧廖音聊鄭有鄧析

先歷反

竝其族也萬歲猶千秋

耳

秦妙房

妙一作眇漢書眇讀曰妙

秦本地名後為國號因又命氏魯有秦董父秦

丕茲秦適皆秦姓也妙謂德行高妙也房謂德

之所聚也

郝利親

郝呼各反

郝京兆盩厔鄉名也

盩厔竹雷反

因地以命氏焉

漢有郝賢今盩厔縣猶出郝姓利親言其善父

母也

馮漢強

強一作疆

馮氏之先本歸姓也鄭大夫有馮簡子其後遂

為大族漢強意在忠於本朝也

戴護郡

戴氏之先與宋同族宋戴公生公子文遂稱戴

氏戴惡即其後也護郡言為太守若都尉

景君明

明叶音芒易潛龍勿用陽氣潛藏見龍在田天下文明書元首明哉股肱良哉庶事

康哉詩東方未明顛倒衣裳

景氏楚之同族本芊姓也

芊莫尔反史記索隱彌是反芊羊聲也

漢高祖用婁敬之計徙齊楚大族入關景氏亦

遷名數今之好時鄭縣華陰諸景是也君明言

有明德宜為列國諸侯也漢有京房字君明

董奉德

董氏之先本已姓也颺淑安之裔子曰董父能

擾畜龍服事帝舜舜賜之姓曰董

已音紀颺力救反父讀曰

甫又周大夫辛有之二子適晉與籍氏俱董督

晉之史籍因為董氏董狐董叔董安于皆其後

也奉德言其奉持德義也一曰言有賢德人所

戴奉也

桓賢良

桓一作隨

宋桓公孫鱗矐為宋司徒號曰桓子

矐工喚反

因為

氏焉向

式亮反

魑

大回反

號桓司馬其後亦稱桓族

賢良言可應賢良之舉也

任逢時

任育壬反

周文王母任氏之女此古姓也又有任國之君

太皞之後本風姓也其後亦為任氏焉逢時言

遇太平也漢有王逢時

侯仲郎

侯氏之先鄭大夫侯宣多侯羽之後也魯有侯

叔夏侯犯齊有侯朝其後亦皆以為姓仲者次伯之下郎者可為郎官也

由廣國

戎人由余入秦為相其後遂稱由氏楚大夫王孫由于有忠勇之節楚人亦謂其族為由氏焉廣國言為本朝益土地也

榮惠常

榮一作崇

周大夫有食采於榮者因而氏焉周書曰王俾

榮伯作賭肅慎之命春秋稱天王 榮叔來含

胡暗反 國語云厲王悅榮夷公皆榮氏也魯有榮

鴛鴦鴛音加左 楚有榮黃其後亦稱榮氏孔子

所見榮啓期泰山邠人也邠音成 或謂之榮聲期

啓聲相近故也漢有榮畜惠常言以仁惠為常

也

烏承祿

齊大夫烏餘之後遂以為姓莒亦有烏存秦有

力士曰烏獲承受之也

令狐橫

令力呈反橫叶音黃見荀子俛詩楚辭九辨魏文帝曹宇建詩橫叶胡朋反

令狐晉地名也在河東大夫魏顥食邑於此號

令狐顥因為氏焉橫克也大也

朱交便

舜臣朱武其後以為姓論語有逸民朱張春秋

左氏傳齊有朱毛漢有朱家交便善與人交皆

便安之也

孔何傷

孔氏之先與宋同祖閔公生弗父何何曾孫曰
正考父考父生孔父嘉父皆讀曰甫仲尼即其後也
衛有大夫孔達孔烝鉏仕於反其後亦稱孔氏何
傷言無所傷害也

帥猛虎

師樂人無目者之稱也晉有師曠魯有師已音紀
鄭有師口同反師獨師觸其後皆以為姓以猛

獸為名尚其威也

石敢當

衛有石碣于弱反石買石惡鄭有石癸石楚石制
皆為石氏周有石速齊有石之紛如紛扶云反其後
亦以命族敢當言所當一作向無敵也

所不侵

所所斫木聲也古有虞衡之官因主伐木遂以
為姓漢有所忠武帝之近臣也不侵言其謹慤

丘角反不為寇暴也春秋左氏傳曰不侵不畔之臣

龍未央央於良反

龍舜臣名命為納言者也其後遂以為姓又董

父既賜姓曰董又易氏曰參龍參音宦其後亦為

龍氏漢有龍德善鼓琴未央言益壽無極也

伊嬰齊

伊摯伊階殷之卿宰其後遂為著姓漢有伊籍

嬰齊謂嬰兒之絜齊者也魯有公孫嬰齊漢有南越王趙嬰齊

右章第二

翟回慶廣韻翟音狄慶叶音羌易乃終有慶詩農夫之慶孝孫有慶及離騷慶天賴而喪榮

讀與羌同幽通賦慶未得其云已文選作羌詩集傳慶叶祛羊反

翟氏本齊翟僂力羽反新之後也魏有翟璜翟翦

漢有翟公翟方進回慶者言福喜方來也

畢稚季稚直利反

周文王之子有畢公高者其後以為姓晉之畢萬即此族焉稚季者言非長竹文反叔幼也漢有

杜稚季

昭小兄

兄叶虚王反見詩鶉之奔奔陟岵皇矣楚辭天問

昭氏亦楚同姓共屈景為三族者也當戰國時有昭奚恤小兄言上有昆而下有弟也

柳堯舜

魯公子展之後也有展禽者食采於柳下之地

因為柳氏焉堯舜言依唐虞二帝之則以自警也

樂禹湯

樂一作藥

樂氏之先與宋同姓戴公生樂父

讀曰衍苦日甫反

是稱樂氏樂喜皆其後也楚有樂伯亦因得姓戰國時燕有樂毅樂間禹湯言欽夏殷兩王之美順其則也

淳于登

春秋淳于公如曹度

徒各反

其國危遂不復淳于

之地即北海淳于縣是也後以國為姓戰國時

齊有淳于髡

口昆反

秦始皇時有淳于越漢有淳

于長

費通光

費扶味反 一音祕

費氏楚大夫費無極之後也漢有費直通光猶

言開明

柘溫舒

柘之夜反

柘楚地名也後更為縣時屬淮陽國所居之人

因而命氏溫舒言其溫裕而安舒漢有路溫舒

路政陽

政一作正

路水名也又因為縣在涿郡界居者氏焉漢有

路中大夫路溫舒政陽言其堪為政而有光陽

也

霍聖宮

周文王之子有霍叔武

一作處

者其國在河東今

霍邑縣是也後嗣為晉獻公所滅子孫遂姓霍
 氏漢之霍去病霍光即河東人也聖宮言觀
觀聖人之奧祕若入其宮室也子贛曰譬之宮
 牆夫子之牆數仞不得其門而入不見宗廟之
 美百官之富

顏文章

顏氏本出顓頊之後顓頊生老童老童生吳回
 為高辛火正是謂祝融祝融生陸終陸終生六

子其五曰安是為曹姓周武王封其苗裔於邾
 為魯附庸在魯國鄒縣其後邾武公名夷父字
 曰顏父讀曰甫故春秋公羊傳謂之顏公其後遂稱
 顏氏齊魯之間皆為盛族孔子弟子達者七十
 二人顏氏有八人焉四科之首回也標為德行
 韓子稱儒分為八而顏氏處其一焉漢有顏駟
 顏異顏安樂以春秋名家文章言其文章也一作

言有文章
 之材也

管財智

管一作筦

管氏之先出自周文王以國命氏也齊有管至父管夷吾管于奚管脩因為著姓父讀曰甫財智言富於財而又多智也

偏呂張

楚之軍帥

所類反

使主偏者因以為姓也司馬法

曰車十五乘曰偏春秋左氏傳曰廣有一卒

廣上

曠偏之兩呂張言為心呂之臣可張大王室

也昔者太岳為禹心呂之臣故封呂侯以譬身有脊呂骨也其為字象形非兩口也

魯賀喜

伯禽之後有悼公者為楚所滅子孫以國為氏賀喜言有喜而可賀也

觀宜王

觀工喚反一作灌

觀夏之同姓諸侯也國滅之後因而氏焉晉有觀武楚有觀起觀從皆其胤也觀字或作灌斟

之林 灌亦夏時國名也其後為灌氏焉漢有灌
反 嬰宜王言有益於王室者也

程忠信

程氏之先本重黎之後周有程伯休父因姓程

焉重文隴反 晉有程鄭實佐下軍漢有程鄭臨
父讀曰甫

叩富室忠信為周言不阿黨也

吳仲皇

周大王之子太伯始封於吳吳氏即其後也仲

者次伯之下皇者正也大也

許終古

許氏許由之後也太嶽之胤有姜姓者封於許

國其後為楚所滅末裔亦姓許晉有許偃鄭有

許瑕楚有許伯亦稱許氏終古言不廢絕也漢

有濟北思王終古

賈友倉

賈本姬姓國也晉吞滅之後稱賈氏晉有賈華

賈佗

徒何反

賈伯賈辛皆其裔也友倉言慕倉舒

追而友之

陳元始

舜後媯滿周武王封之於陳其後為楚所滅子

孫因姓陳焉元始長子之孫也

韓魏唐

周武王之子封於韓其後為晉所滅因稱韓氏

晉大夫韓萬即其後也及三家篡晉侯王相襲

故其宗黨分布四方或曰韓萬曲沃桓叔之子

也晉滅韓令萬食其地焉因為韓氏魏唐取二

國之地以為名也魏本姬姓亦為晉所滅其地

即河東河北縣是也唐即晉地也故詩蟋蟀敘

曰此晉也而謂之唐

右章第三

液容調

液音亦一作掖

上古道術之士善於鍊化能作液湯者後嗣因

以液爲姓容調者言其容止調和

柏杜楊杜一作度
楊一作揚

古帝有柏皇氏其後爲柏氏焉一曰晉伯宗伯
州犂之後古通用字柏與伯同故爲柏氏魏有
柏直漢有柏至杜楊以二木爲名也杜甘棠也
牡者曰棠無子者也牝者曰杜有子者也楊一
名蒲柳可以爲矢

曹富貴

曹姓卽陸終之子安所出也又周文王之子曰
曹叔振鐸武王封之陶丘號曰曹伯其後爲宋
所滅亦爲曹氏而齊有曹開亦稱曹族富貴言
滿而不溢高而不危也

尹李桑

尹氏本周大夫也後爲官族李桑義與杜陽同

蕭彭祖

蕭氏本出殷之六族成王所用封伯禽也又有

急就篇

卷之一

及古

蕭國其君子姓宋之附庸為楚所滅亦稱蕭氏
彭祖者追慕彭鏗尚其長年也鏗口耕反漢有張彭

祖嚴彭祖

屈宗談

屈居勿反談徒甘反叶陽韻

屈氏之先楚同姓也屈駿屈重屈蕩屈建屈平
皆其後焉宗談言有口辯為談者所宗也以談

合桑古韻疏也

樊愛君

周大夫仲山甫宣王時為樊侯遂稱樊氏樊氏

即其後也愛君言慕嚮拳之為人也

嚮弋六反拳音權

崔孝讓

讓叶如羊反見詩角弓楚辭大招荀子成相

崔齊邑名也丁公之子於此受封其後有崔天

天之支庶苗裔盛焉

天於表反

孝讓言既有孝德又

能克讓也

姚得賜

姚舜姓也陟方之後末嗣稱焉鄭有姚句耳漢

有姚平

句音鈞

得賜言多受君之寵錫也

燕楚莊

燕鳥賢反

燕邵公奭

式亦反

本周之同姓其後以國為氏云

楚莊言慕楚莊王也

薛勝客

薛私列反勝書烝反

有奚仲者為夏車正受封於薛後遷于邳而仲

虺居薛為湯左相

邳皮省反

其後稱為薛侯及為楚

所并餘族因號薛氏勝者克堪之義客者人禮

敬之為上客也

聶干將

聶女輒反將資良反

聶本地名因以為姓也春秋稱齊師宋師曹師

次于聶北救邢韓有聶政漢有聶壹干將古之

善劍一曰劍師名也

求男弟

求氏本居衛國表氏之地故稱表焉後又轉為

求字漢末有求仲即此族也男者以別女弟者

有兄之稱也

過說長

過古禾反
說音悅

過者夏時國名因為姓也說長言常悅豫也

祝恭敬

祝氏鄭祝聃

乃甘反

之後也又衛有祝鮀

徒何反

後

嗣傳職賢而有識亦稱祝氏恭敬謂不忘恭敬

慕趙盾也

審毋妨

毋音無一作無
妨敷方反害也

審氏之先為周司空屬官主審曲面勢者也後

因賜族漢有審食其

音異

毋妨言勿有所妨害

也

龐賞贛

龐皮江反
贛貢同

龐者高屋之名龐氏之先貴產殷富好為室屋

鄉黨榮慕謂之龐家遂以立氏魏有龐涓

工玄反

贛賜也賞贛義與得賜同

來士梁

來一作
作縻

來氏殷之別族本子姓士梁言為士君子之棟
梁

成博好

成者周之采地卿士所食成肅公簡公桓公是
也故稱成氏焉又楚令尹子玉若敖孫也號成
得臣亦為成氏大心成熊皆其後也晉有成鱗

上竟反

成何何後奔燕宋有成譚

火官反

秦有成差

竝為成姓博大也

范建羌

起良反

陶唐氏之後在夏為御龍氏在商為豕韋氏在
周為唐杜氏其後杜伯之孫曰士蔿為晉司空
蔿子士穀亦繼其官蔿孫士會晉太傅食邑於
范為范氏建羌言立功於西羌之地也

閻歡欣

閻余廉反

閻者里中門也因其所居遂以為姓晉有閻嘉
閻沒齊有閻職歡欣言得人之歡心

右章第四

寧可忘

寧氏與秦同姓秦襄公會孫諡曰寧公支庶因

寧氏一曰寧甯本一姓衛大夫甯俞之後也

寧子士成史記作寧成可忘言其善德不可忘

寧有斐君子終不可諼兮斐敷尾反諼亦諼許元反

荀貞夫

荀艸名也所居饒之因以命氏漢有荀賓河內人也今之河內猶有此姓焉一曰本晉大夫荀氏之後避難改族而稱荀云貞者言有歲寒之節夫者大夫之謂也

苗涉臧苗一作茅

苗賁皇本楚人後奔於晉其子孫遂為苗氏王

莽時有苗訢與欣同篇本苗字或作茅國名也周

公子所封其後因以為氏又邾有茅地及茅夷

鴻皆茅姓也涉臧言其所涉皆善道也一曰遇難逃禍涉水而藏匿也

田細兒

田氏之先職賦田者也因以為姓晉有田蘇宋有田景又陳厲公之子完奔齊代為卿佐遂篡齊國後自稱王又稱東帝其族亦為田氏蓋以陳田聲相近云及為秦所滅漢興徙田族於關中今之高陵櫟陽諸田是也

櫟音藥

細兒言小兒

也

謝內黃

謝南方國名也周宣王后父申伯於此作邑其後以為氏魯有謝息內黃言黃中通理也一曰取縣為名也內黃屬魏郡

柴桂林

衛人高柴為孔子弟子後居於魯末裔以柴為姓漢有將軍柴武桂林者取其冬生不彫而衆

盛之意

溫直衡

衡叶戶郎反見詩采芑韓奕闕宮烈祖長發楚辭九歌惜誓

溫氏之先出自已姓

已音紀

又晉之郤至食邑河

內之溫號曰溫季其後亦為溫氏直衡言其正

而平也

奚驕叔

奚仲既遷于邳其後遂稱奚氏漢有奚涓

工玄反

驕者父母愛而名之叔者伯仲之下也

邴勝箱

邴一作邴音柄又音丙勝書烝反

邴泰山下邑也居之者以為姓焉

朱氏曰春秋邴字公穀作

邴故顏氏以邴注邴但少邴亦作邴四字而後人不曉乃於注末妄增八字云以邴為邴其注未詳者誤矣 晉有邴豫邴師齊有邴歎

音觸 邴夏

古雅反

邴意茲漢有邴丹勝箱言其堪任近侍在東西

箱也一曰言能負重致遠以牛為喻也

雍弘敞

雍於用反

雍國名也在河內山陽文王之子所封其後以

為姓又宋有雍氏本姑姓也姑其乙反鄭有雍糾齊有雍廩楚有雍子後入于晉其裔皆雍氏漢有雍齒弘敞言其大而高明也

劉若芳

劉氏之先與范氏同祖士會自秦歸于晉其族畱秦不去者為劉氏又周之采地亦名為劉劉康公定公獻公皆王卿士也其後亦稱劉姓若芳言如蘭若之芬芳也若謂杜若芳艸名也

毛遺羽

文王之子封於毛國其後以為姓焉又周之采地亦名為毛卿士所食毛伯衛毛伯過皆是也其後亦稱毛氏趙有毛遂漢有毛釋之遺羽自謙之稱言極輕賤也

馬牛羊

造父既封趙城其後稱馬氏蓋以善御馬云又趙將趙奢克敗秦師賜號馬服君其後亦為馬

姓牛羊者變而諱之比之於畜產者也

尚次倩干見反

呂望為周武王太師號尚父其後或以為姓次者長幼之弟倩者青色而美也

丘則剛

陳有宛丘居之者以為姓又邾有丘弱後亦為丘氏則猶象也謂法象於天為剛德而不于時也

陰賓上

陰亦周之采地周大夫陰忌陰不佞陰里其後遂為姓焉賓上者見賓禮於君上取利用賓于王之義

翠鴛鴦

翠氏楚景翠之後也避入關之遷懷土逃匿改姓為翠鴛鴦取匹鳥為名也

庶霸遂

庶氏之先本出衛之公族以非正嫡遂號庶氏
禮記曰子思之母死於衛庶氏之女也及春秋
邾庶其來奔其後亦為庶氏霸遂言能遂成霸
功也

萬段卿

卿叶乞郎反萬玉矩
反廣韻音矩又音禹

萬亦橋字橋者木名因樹以得姓也詩云橋維

師氏

橋音同漢
書橋作萬

謂女寵之族有姓橋者為師氏

之官也漢有萬章段卿者其厚重如石之段

可為卿也春秋鄭有印段字子石公孫段字伯

石孫子曰如段之投卵

冷幼功

冷一作伶音零
字從水亦作伶

冷人掌樂之官也因為姓焉黃帝時有冷倫周
有冷州鳩秦有冷至漢有冷褒冷豐幼者少小
之次功者言能立功也

武初昌

周大夫武氏子其後因為武姓陳勝之起也武

臣自立為趙王項羽之客亦有武涉初昌者言始昌大也漢有夏侯始昌

之六章第五

京篇卷第二

褚回池

褚丑呂反

褚師官名也衛有褚師定子聲子及褚師圃其後因姓褚焉又周有褚氏之地居者亦因命族漢有褚大褚少孫回池猶顏回字子淵之義也

淵一作深

避唐諱

蘭偉房

一作防

鄭穆公本因夢蘭而生故號公子蘭其後支庶

或為蘭氏偉房言其器大衆藝所聚也

減罷軍

罷薄蟹反
又音疲

減氏之先為晉公族大夫驪姬之難晉廢公族
因謂其人為減氏減者省也
省所傾反漢有減宣罷
軍猶言偃武也一說久從戎役故疲勞也

橋竇陽

黃帝葬於橋山羣臣追慕守冢不去者因為橋

氏漢有橋庇

必寐反

橋仁橋桃空穴曰竇牆南曰

陽言若生於竇陽故為名也

原輔輻

輻方六反

周文王之子封為原伯其地今在河內於後為
晉所滅遷之于冀因稱原氏而晉更以原封其
大夫先軫之忍反故號原軫軫之苗裔亦姓原焉
又周之采地亦名為原原莊公襄公皆食之也
其後亦命族孔子之門有原憲原壤輔輻言若
輻之輔車也

宣棄奴

周宣王中興國人美其德故支庶以為氏焉棄奴亦愛而諱之也

殷滿息

微子本殷之族雖封於宋支庶或稱殷氏又殷水在潁川居之者亦以為姓秦有殷口漢有殷

仲滿息言充滿而蕃息也

蕃扶元反

充申屠

充氏古仙人充尚之後也申屠楚之官號若言司徒也又口之信都古者申與信同屠都聲相近也漢有申屠嘉本此官之後也遂因為姓韓信各信都亦有義今猶有申屠姓亦有信都

夏修俠

音協

夏桀為湯所滅其族遂稱夏氏又陳宣公之孫

御叔之子號夏徵舒夏鬻夏區

烏侯反

夫皆其後

也亦為夏氏修俠言其修行游俠之事也

公孫都

一黃帝姓公孫氏支庶遂以為姓也又公子之子

皆號公孫魯公孫敖鄭公孫闕烏高反齊公孫釐

丑芥反晉公孫奭衛公孫朝凡此等類其後皆為

姓矣畧舉大綱不可具記漢有公孫賀都美稱

也詩曰洵美且都洵音荀又曰不見子都

慈仁他他一作化化作地

慈氏本高陽氏才子之後也美其宜慈惠和因

以為姓仁他者所愛及遠也

郭破胡

號叔周王季之子也受封於號其地今陝州陝

縣是也後為晉所滅號公醜奔周遂姓郭氏郭

者號聲之轉也又齊地有郭氏之墟蓋古國國

滅之後亦為郭姓齊有郭榮此其族也破胡言

能克匈奴

虞尊偃尊一作荀

帝舜之後或為虞姓又周太伯之弟仲雍號曰
虞仲嗣太伯之後武王克商封虞仲之庶孫為
之後其地今在河東謂之虞公為晉所滅其後
亦為虞氏尊偃偃仰自尊高也

憲義渠

憲氏之先本為周之布憲司寇之屬官也其後
以為姓焉義渠國名也後為縣在北地以縣為
名也

蔡游威

周蔡叔者文王之子為周公所誅而封其子仲
於蔡是為蔡侯其後為楚所滅遂稱蔡氏游威
威之遠揚也

左地餘

左丘明本魯之左史繼守其職遂為姓焉又楚
左史倚相倚於末裔亦為左氏地餘言土地有
餘封邑廣大也漢有歐陽地餘歐陽

譚平定譚徒南反

譚小國也為齊所滅譚子奔莒曰姓譚焉平定

謂無憂虞也

孟伯徐

魯桓公子慶父讀曰甫之後號孟孫氏其後稱孟

氏焉又衛侯之兄孟繁其後亦曰孟氏伯長也

長竹丈反徐者舒緩之稱也

葛軾軻軾苦感反軻枯我反又音珂

夏曆諸侯有葛伯者為湯所征遂失其國因稱

葛氏又春秋時亦有葛嬴姓之國也其後亦為

葛氏軾軻言坎壈不平也壈慮感反坎日感反蓋欲效孟

子名軻字子居耳居一作車

敦倚蘇敦都昆反

敦氏秦文公時史敦之後也倚蘇言為萌庶所

倚賴喜於來蘇也

耿潘扈耿古幸反

耿地名也在河北祖乙所都舊居之者以為姓也又有耿國在平陽皮氏晉獻公滅之其後亦稱耿氏漢有耿壽昌潘水名也在滎陽扈廣大也言生此水土而廣大也

右章第六

焦滅胡

武王克殷封神農之後於焦末葉因為焦氏又有姬姓小國亦謂之焦為晉所滅後稱焦氏滅

胡猶言破胡也

晏奇能

齊有晏弱本齊之公族也號晏桓子桓子生嬰

曰晏平仲其後遂為晏氏又有晏圉晏父戎

父讀

甫晏釐

力之反

皆其族也奇能謂有異材也

邢麗奢

奢叶音都荀子倦詩間姬子奢注云奢當為都漢晁錯對策奢叶都

邢本姬姓之國周公之胤也為衛所滅因稱邢

氏麗奢言美而不陋也

邵守實

邵詩書左傳漢書作召

邵穆公周卿士也繼守其職邵伯廖邵武公皆

其後也因為邵氏焉秦有邵平漢有邵信臣守

實謂篤於言行不虛詭也

詭一作誕

宰安期

期叶于韻楚辭九章又叶廚

宰氏周大夫宰孔之後也安期取古人安期生

之名也

俠却敵

俠氏韓相俠累之後也却敵謂能折衝禦寇也

代焉于

焉於虔反何也

代國名也在常山之北代王為趙襄子所滅其

遺族遂稱代氏焉焉安也于曲也焉于言無所

屈撓也

撓女孝反

司馬褒

褒一作應

程伯休父周宣王時有平徐方之功錫以官族

為司馬氏其後有適晉者司馬侯司馬叔游司

馬彌牟司馬烏司馬寅皆是也項羽立司馬印

五郎反為殷王漢司馬遷即其族也褒大也

尚自於

前已有尚次倩今又言尚自於一姓再見也尚或作掌蓋魯大夫黨氏之後也黨亦音掌自於猶言自蒞也

陶熊羆

彼宜反

陶唐氏之後或單稱陶又虞闕於葛反父為周陶

一正其後亦稱陶氏成王封康叔以殷人七族亦有陶氏焉惟熊惟羆男子之祥故以為名

解莫如

解音蟹

解地名也在河東因地為姓故晉國多解氏焉解張解揚解狐皆其族也漢有解光解延年莫如言無有能如之者也漢有毛莫如

樂欣諧

樂氏亦再見也欣諧喜於和合也

童扶疏一作疎

顓頊許玉反之子號老童者其後因以為姓扶疏

言衆而盛多也

痛無忌

痛氏本盛國之後實姬姓也周穆王嬖寵盛姬早死穆王哀痛不已加禮葬之遂改其族謂之痛氏無忌言無所避忌也古有僊人宋無忌

向夷吾向式亮反音餉

向者國名本姜姓也其後以為氏又宋之向氏

與宋同姓桓公向父盼許乙反遂為向氏向戌

向儀向寧皆其後也夷吾欲效管仲之名也

閔并訢閔一作閔閔獲耕反并卑盈反訢古欣字

閔氏之先本周之閔人閔所以止扉今之門株于結反是也職典其事遂為姓焉漢有閔孺并訢

言衆竝訢喜也

竺諫朝竺張六反俗作竺朝叶餘韻漢書叙傳昭叶苻驕叶隅

竺氏本天竺國人也來歸於漢而稱竺氏天竺
卽身毒也亦謂之捐毒漢有竺次者卽其人焉
云諫朝者言可備諍臣於朝廷者也以朝韻吾
者古有此音蓋相通也班固幽通賦曰巨滔天
而泯夏考遘愍以行謠終係已而貽則里上仁
之所廬類此甚多不可具載

溝工
豆反

續增紀

續氏晉大夫續簡伯之後也號狐鞫居以食續

地更爲續氏增紀言高年也

遺失餘

遺音
惟

遺氏本魯季氏家臣南遺之後也失餘言所失

之餘惟此一字

一作
于

姓名訖

所陳堪爲姓名也訖者其事畧究也

請言物

此後一
句一韻

次說雜物并

一作
陳衆品也

右章第七

錦繡縵純離雲爵

縵莫半反純亡到反音耄一作純順倫反

錦織綵為文也繡刺綵為文也縵無文之帛也

純謂刺也離雲言為雲氣離合之狀也爵孔爵

也言織刺此象以成錦繡繪帛之文也自離雲

爵以下至鳧翁濯其義皆同今時錦繡綾羅及

氍毹毼毼之屬

氍巨于反毼羊朱反

摹寫諸物無不畢備

其來久矣一曰離謂長離也雲謂雲氣也長離

靈鳥名也作長離雲氣孔爵之狀也

乘風縣鐘華洞樂

縣音玄一作懸洞一作隤音瀆樂叶音洛

乘風一名爰居一名雜縣蓋海鳥也言為乘風

之狀作箕虞以懸鐘又為華藻

一作藥

之形兼列

眾樂之器以成文章也洞猶通也言遍載其文

綵也

箕息久反虞音巨

豹首落莫兔雙鶴

豹首若今獸頭錦落莫謂文綵相連又為兔及

雙鶴之形也鳥二枚曰雙

春艸雞翹鳧翁濯

翹渠遙反鳥尾口濯叶鶴孟
子引詩鹿鹿濯濯白鳥鶴鶴

春艸象其初生纖麗之狀也雞翹雞尾之曲垂

也鳧者水中之鳥今所謂水鴨者也翁頸上毛

也既為春艸雞翹之狀又象鳧在水中引濯其

翁也一曰春艸雞翹鳧翁皆謂染彩而色似之

若今染家言鴨頭綠翠毛碧云

鬱金半見細白藪

鬱於物反藪或作論
弋若反說文以灼反

此已下皆言染繪之色也鬱金染黃也細

黃也半見言在黃白之間其色半出不全成也

白藪謂白素之精者其光藪藪然也

黃氏曰藪
音侖白縞

也

縹緗綠純皁紫硃

縹敷沼反緗音戾
純音丸硃音鮮

縹青白色也緗蒼艾色也東海有艸其名曰莫

以染此色因名緗云綠青黃色也純

即素之
輕細者皁

黑色紫青赤也硃以石輾繪色尤光澤也

輾女
展反

黃氏曰杆
繒石也

烝栗綃紺緝紅然

綃吉掾反紺古暗反緝
子燼反然而延反音然

者也一名鮮支紺青而赤色也緝淺赤色也紅

色赤而白也然者紅色之尤深言若火之然也

黃氏曰
絲勞貌

青綺綾縠靡潤鮮

綾一作羅綺去倚反
綾音凌縠胡谷反

青青色也綺即今之緝綾今之雜小綾也縠今

梁州白縠靡潤輕浹也

浹人
亮反

鮮發明也言此綉

既有文綵而又鮮潤也

綈絡縑練素帛蟬

綈音啼
徒奚反

綈厚繒之滑澤者也重三斤五兩今謂之平紬

絡即今之生綱

始移反又式
支反音施

也一曰今之綿紬

是也縑之言兼也并絲而織甚緻密也

緻馳二
反又文

致練者煮縑而熟之也素謂綃之精白者即所

用寫書之素也帛總言諸繒也蟬謂繒之輕薄

者若蟬翼也一曰縑已練者呼為素帛若今言白練者也

右章第八

絳緹絳紬絲絮綿

緹音題又音躄絳胡卦反紬音儔

絳赤色也古謂之纁

音熏許云反

緹黃赤色也

黃氏曰緹

纁也古兵服之遺色

抽引麤繭緒紡而織之曰紬紬之尤

麤者曰絳繭滓所抽也

滓則仕反黃氏曰絳音畫絲結也

抽引

精繭出緒者曰絲漬繭擘之精者為綿麤者為

絮今則謂新者為綿故者為絮古亦謂綿為績

績字或作統

竝音曠漬材賜反擘布麥反

帀敝囊橐不直錢

帀皮鄙反又并止反音圯敝一作弊橐他洛反

帀者帀殘之帛也

帀音雪黃氏曰帀帀裂也

敝敗衣也有底

曰囊無底曰橐言帀帛及敝敗囊橐無所堪任

賣之不售也

售上救反

服瑣綸帶與繒連

綸大侯反帶子移反繒疾陵反

服瑣細布織為連瑣之文也綸帶縵布之尤精

者也緜先狄反黃氏曰綸音言此二種雖曰布

類其質精好與繒相連次也繒者帛之總名謂

以絲織者也

賁貸賣買販肆便賁音世式制反又傷夜反貸他代反販方萬反便平聲房連反

賁賒也賒音奢貸假與也出曰賣入曰買一云出

取入賤買而貴賣之曰販肆謂坐市行列也戶行

郎言販賣及買皆因市肆以獲便宜也

資貨市贏匹幅全幅方六反

市亦買也言以資財賄貨市取贏餘之物多積
布帛匹幅皆全無虧損也四丈曰匹兩邊具曰
幅

綌紵泉縵裏約纏綌去逆反一作絺救之反紵音

延反

綌謂葛之麤者紵織紵為布及疏之屬也疏亦

泉麤麻也縵約猶束縛也言貧乏之人無好綿

帛但以此物自苞裏纏束為衣被也

綸組繾綬以高遷

綸古頑反又音倫組音祖繾音逆宜戟反綬音受

綸糾一無糾字

青絲綬也組亦綬類也其小者以為

冠

說文冕

纓繾者受之系也言其迎逆綬也

黃氏曰繾

古佩璲也

綬者受也所以承受環印也亦謂之璲秩

命不同則綵質各異故云以高遷

量丈尺寸斤兩銓

銓稱也言量布帛者則計其丈尺及寸稱絲綿

者則數其斤兩

取受付予相因緣

予音與取一作所

言以相付及受取領納皆緣丈尺斤兩以定其數故得分明無虧失也予相授予也

右章第九

稻黍稷稷粟麻稭

稷音述稭一作稷稭古行反叶古郎反詩大東庚叶箱

稻者有芒之穀總名也亦呼為稭

庚杜他

黍似

稭而黏可以為酒者也

稭音祭

稷似粟而黏亦可

為酒稷粟一種但二名耳亦謂之粢

音谷

麻謂大

麻及胡麻也杭謂稻之不黏者以別於稞也乃稞

貨反杭字或作稞

餅餌麥飯甘豆羹

羹叶音郎盧當反一云力當反見魯頌楚辭叶房漿

澠麩而蒸熟之則為餅餅之言并也相合并也

澠米而蒸之則為餌餌之言而也相黏而也麥

飯磨麥合皮而炊之也甘豆羹以泔米泔和小

豆而煮之也一曰以小豆為羹不以醯酢其味

純甘故云甘豆羹也

泔音桃泔音甘

麥飯豆羹皆野人

農夫之食耳

葵韭蔥薺蓼蘇薑

薺戶界反一作薺

葵衛足之菜傾葉而蔽日者也韭之言久也一

種久生蔥青白雜色之名也薺一名鴻薺

音薺會

有數種葉長銳而薄生於水中者曰水蓼葉圓

而厚生於澤中者曰澤蓼一名虞蓼亦謂之薺

而許叔重云蓼一名薺虞非也

薺音薺

蘇一名桂

荏薑禦溼菜也辛而不葷故齊者不撤焉

說文作薺

葷虎渾反一云許云反

蕪荑鹽豉醯酢醬

醬叶音漿酢七故反一作醯醬漿

蕪荑無姑之實也無姑一名棒榆生於山中其

莢圓厚剝取樹皮合漬而乾之成其辛味也爾

雅曰無姑其實夷故謂之蕪荑也

棒音姑山榆也鹽生

於鹹水者也古者風沙氏初煮海為鹽其後又

出河東大鹵臨邛火井焉今則處處有之矣豉

者幽豆而為之也醯酢亦一物二名也醬以豆

合麩而為之也以肉曰醢以骨曰醢

醢音海醢音泥又若

反醬之為言將也食之有醬如軍之須將取其

率領進導之也一作漿

芸蒜薺芥菜萹香

蒜蘇判反薺齊禮反

芸即今芸蒿也生熟皆可嚼蒜大小蒜也皆辛

而葷薺甘菜也其實名差

才何反又音嗟

芥亦有大小

二種菜萹似檄而大食者貴其馨烈故云菜萹

香也

檄音殺

老菁藁荷冬日藏

菁音精 藁音穰

菁蔓菁也一曰冥菁亦曰蕪菁又曰芴菁

蔓音萬又

莫于反蕪音無芴音勿

藁荷一名尊苴

尊音各反苴子間反

莖葉似

薑其根香而脆可以為菹又辟蠱毒言秋種蔓

菁至冬則老而成就又收藁荷竝蓄藏之以禦

冬也

梨柿柰桃待露霜

柿音侯柰奴帶反

言此四果皆得霜露之氣乃能成熟夏則待露

秋則待霜故總云待霜露也梨一名山檮

音商秋一

冬作秋

棗杏瓜棗饊飴飴

飴叶音唐饊思但反飴以之反飴辭盈反又音唐

因說眾果遂及口實也棗常棣也其子熟時正

赤色可啗俗呼為山櫻桃隴西人謂之棣子

音棣

吐計反饊之言散也熬稻米飯使發散也古謂之

張皇亦目其開張而大也以蘖消米取汁而煎

之湮弱者為飴言其形怡怡然也厚强者為飴

錫之爲言洋也取其洋洋然也

強其兩反 洋音祥

園菜果菰助米糧

菰郎 果反

木實曰果艸實曰菰言園圃種菜及殖果菰貧者食之以免飢饉故云助米糧也

右章第十

甘麩殊美奏諸君

麩丘舉反又丘 據反甘一作白

甘麩者煮麥爲甘粥也麩之言齧也謂齧爛也
一曰麩者糗也 音丘 柳反 麩糗聲相近實一物也今

人通以熬米麥爲之麩

音昌繞二又尺 沼反一作麩

甘麩者

以蜜和糗故其味甘也

齧丘羽反黃氏 曰麩麥粥汁

奏進也

言此殊絕甘美之食宜進之於君上

襦褌表裏曲領翳

襦音孺 翳音羣

長衣曰袍下至足跣

方夫反

短衣曰襦自膝以上

一曰短而施要

一遙反

者襦衣外曰表內曰裏著

曲領者所以禁中衣之領恐其上擁頸也其狀

闊大而曲因以名云

黃氏曰曲 領即襜褕

翳即裳也一名

帔一曰襪帔音披 襪音碑

襜褕袷復褶袴禪襜昌瞻反一尺占反褕音除一 袷朱反袷古洽反復方復反褶

徒頰反音牒又音習 一作襲禪古渾反

襜褕直裾禪衣也禪多 安反謂之襜褕者取其襜褕

而寬裕也衣裳施裏曰袷黃氏曰袷音 夾衣無絮也褚之以

綿曰復褚丁呂 反裝衣褶謂重丈龍 反衣之最在上者也

其形若袍短身而廣袖一曰左衽人禁 反之袍也

黃氏曰褶 音習袴也袴謂脛胡定 反衣也大者謂之倒頓小

者謂之袷衽袷古鳥反又功巧 反衽音了力鳥反袴之兩股曰

徐龍反又 丈勇反合襜謂之禪最親身者也

禪衣蔽膝布毋縛禪音單縛或 作尊祖昆反

禪衣似深衣而袞大亦以其無裏故呼為禪衣

蔽膝者於衣裳上著之以蔽前也一名鞞又曰

鞞亦謂之幘著竹畧反鞞音弗 鞞音畢幘昌占反布毋縛者歲貉

女子以布為脛空用絮補核狀如襜褕歲貉者

東北之夷也說者或云毋縛布名非也歲音穢 貉音陌

黃氏曰江東謂鷓鴣為布母
布母縛小衣也猶犢鼻耳

鍼縷補縫綻紩緣

鍼一作箴之林反縫符容反紩
持栗反音秩綻文竟反一作袒

緣悅綃反叶音循鮑明遠
東武吟怨字叶軒一作循

鍼所以縫衣也縷線也修破謂之補縫解謂之

綻納

一作細

刺謂之紩

綻一作袒

純邊謂之緣

純之允反

履舄鞞哀絨緞紩

鞞音踏他匝反哀一作襃音壁
絨于月反音越緞乎加反音遐

紩音巡

單底謂之履或以絲為之複底而有木者謂之

舄鞞生革之履也

黃氏曰鞞革履也

哀謂鞞之深大者

也

黃氏本作襃註曰鞞衣也革中辨謂之鞞爾雅

絨織綵為之一名車

馬飾即今之織成也

黃氏曰絨紵布

緞履跟

音根

之帖也

絨緞以絨為緞也

黃氏曰當書鞞

紩緣履之圓條也賈

誼諫曰今人賣僮僕者為之繡衣絲履徧諸緣

又曰美者繡繡庶人之妾以緣其履是則古之

履飾通用紩之屬也一曰紩者屬五絲而為之

若今之刺繡鞞矣

黃氏曰紩環綵縑也

鞞鞞印角褐鞞巾

鞞速杳反鞞的齊反印顏當反鞞勿發反从韋俗作鞞非是

鞞一作鞞

謂韋履頭深而兌平底者也今俗呼謂

之跣子鞞薄革小履也

黃氏曰鞞鞞革履揚雄方言履禪者謂之鞞粗

者謂之屨他回反

印角屐上施也形若今之木履而下

有齒焉欲其下不蹶

音蹶

當印其角舉足乃行因

為名也

黃氏曰方言東北謂之印角印履頭也下邳謂漆履有齒者曰斬角

褐織

毛為衣也或曰麤衣也鞞足衣也一曰褐謂編

泉為鞞也巾者一幅之巾所以裹頭也一曰裹

足之巾若今人裹足布也

裳韋不借為牧人

韋一作幃

韋柔皮也裳韋以韋為裳也不借者小履也以

麻為之其賤易得人各自有不須假借因為名

也言著韋裳及不借者卑賤之服便易於事宜

以牧羊也

易竝弋豉反著竹畧反便頻綿反黃氏曰方言絲作者謂之履麻作者謂

之不借

完堅耐事踰比倫

耐乃代反

耐堪任也比例也倫類也言著此衣履屨者必
須完全堅韌堪任事務經歷長久乃得踰於等

類不破壞也

朝音刃

右章第十一

屨屨紮麤羸窶貧

屨居勺反紮方孔反一作索一作素麤一作蔗平表反窶其羽反

屨者以木為之而施兩齒所以踐泥屨即今之
鞋也紮圓頭掩上之履也麤者麻泉雜履之名
也南楚江淮之間通謂之麤

黃本作蔗

羸困弱也窶

無禮者

一作之名

也貧無財者也言羸窶貧人無有

華飾也

旃裘鞢鞞蠻夷民

旃一作氈鞞先各反鞞太合反

鞞鞞胡履之缺前雍者也

黃氏曰音索鞞胡履也

言蠻夷

之人唯以羶為裘而足著鞞鞞也今西羌其服

尚然

去俗歸義來附親

去其本俗歸義德義附化而親近也

譯導贊拜稱妾臣

譯傳言也導引也贊見也始來歸義言語未通故須傳譯導引進見而拜依臣妾之禮也一日贊助也謂譯導者佐助之也

戎伯總閱什伍鄰

總一作摠伯一作貉莫白反鄰一作陳

戎謂編士卒之列也百人為伯則置長

竹文以反

總統閱視之也五人為伍二伍為什五家為鄰又依此法各有部署安居服役皆遵制令無乖

刺

來葛反

也篇本伯字或作貉貉即上歲貉之類

者也言戎貉者廣說四夷也

稟食縣官帶金銀

稟筆錦反讀曰廩一作廩食音飼

稟食縣官官給其食也帶金銀者或得封侯或

受職任皆佩印也

鐵鈇鑽錐金鍍鍪

鈇音膚方符反鑽借官反錐職追反一作鏗鍍音富分副反一

音腹鍪音牟莫浮反鍪叶音毛楚辭大招悠叶寥九章流叶昭

因說金銀遂陳用器也鐵鈇以鐵為莖刃也一

曰以鐵為樵也樵竹林反錐所以刺入也鑽所以穿

通也釜所以炊煮也大者曰釜小者曰鍑北燕

朝鮮泐水之間謂之鏹泐音列鏹他典反方言音腆黃氏曰鍑釜而大

者口鏹似釜而反唇一曰鏹者小釜類即今所謂

鍋工禾反也亦曰鏹音鏹未戈反黃氏族鏹曰鏹釜屬

鍛鑄鉛錫鐙錠鏹鐙丹增反音登錠徒經反鏹了消反音譙廣韻音焦

凡金鐵之屬椎直追反打而成器者謂之鍛銷冶

而成者謂之鑄鉛青金也錫一名釧音釧在銀鉛

之間即今白鐵也鐵音臘鐙所以盛音成膏夜然燎

者也燎力召反其形若杆音杆而中施釭音工有柎方于反

者曰鐙無柎者曰錠柎謂下施足也黃氏曰豆有足曰錠

無足曰鐙鏹謂鏹斗温器也似鈹而無緣弋綃反黃氏曰鏹刁

斗也温器三足而有柄

鈐鑄鈎鉅斧鑿鉏鉅知栗反一作鉅鈐鉐巨廉反鑄特妥反音墮又徒猥反鉏叶音

鈹吐彫反見前竺諫朝注一作鈹

鈐鑄大犁之鐵黃氏曰鈐鑄大犁也音墮鈎即鎌刀詹反也形

曲如鉤因以名云亦謂之鋏

苦節反說文 鋏也 銍刈

黍短鎌也

黃氏曰穫禾短鎌一作鈗音注

斧所以伐木也鑿所

以穿木也鉏去艸之具也一名茲基

去丘呂反

右章第十二

急就篇卷第三

銅鍾鼎鏗銷鈹鈹

鏗胡經反一作鈗又作銅銷火玄反鈹一作匣羊支反鈹音遙

銅鍾以銅為鍾鍾酒器也鼎三足兩耳爨器也

鏗溫器圓而直上也鏗字或作鈗鈗似鐘而長

頸也

鈗胡經反說文賢星反

銷亦溫器也

黃氏曰鈗銅鈹也

鈹系

而提之

黃氏曰鈹有柄可以注水

鈹

黃氏曰鈹燒器

鈺鏘鍵鈗冶銅鑄

鈺古紅反音工古雙反又音江鏘音諫古鴈反鍵渠儼反鈗其

沾敕淹二反一作鎔音轄鑄音喬渠驕反

釘車轂中說文一作口鐵也鋼軸上鐵也施釘鋼者

所以護軸使不相摩墾也墾口狠反黃氏曰鋼車間鐵鍵以

鐵有所豎關若門牡之屬也鈔以鐵有所鑷取

也鑷女輒反冶銷金鐵之鑪也鋼者鑄而補塞之令

其堅固也鑄者以鐵有所輔助若橋梁之形也

黃氏曰鑄似鼎長足

竹器箬笠篔簹籐條箬音登籐巨於反籐直於反音渠儲籐叶箐韻詩羔裘濡叶侯

漢叙傳車叶侯

竹器總言織竹為器也箬笠皆所以禦雨也大

而有把音霸手執以行謂之箬小而無把首戴以

行謂之笠虞卿躡屩擔丁甘反箬即謂此也黃氏曰箬

長柄笠也織竹為席謂之篔織葦而麤文者籐籐也

黃氏曰籐籐蘆蘆

箬篔籐筥篔算篔箬徒本反篔市緣反又市專反籐音編婢連反筥居呂反篔於

六反算必至反又博計反篔古侯反

箬篔皆所以盛米穀也以竹木篔席若泥塗之

則為筓筓之言屯也物所屯聚也織艸而為之

則曰筓取其圓團之然也黃氏曰筓音筓竹器之

盛飯者大曰筓小曰筓筓一名筓受五升一曰

筓者織竹之輿也筓一作筓山交反輿弋庶反黃氏曰筓音鞭竹輿筓

炊之漉米箕也或謂之縮或謂之箕或謂之區

音還方言音旋漉音鹿箕音叟黃氏曰箕可以漉米算蔽甑底者也其字

從界界音必寐反黃氏曰算音卑取魚器又音閉甑算篝一名客盛杯

器也亦以為薰籠楚人謂之牆居客音落薰許云反黃氏曰

篝熏籠也

筓算箕帚筐篋筓山奇所綺二反算并弭反音俾筐音匡篋洛侯反音婁

筓所以籬去麤細者也今謂之篩大者曰筓小

者曰算其字從卑卑下之卑必彌反黃氏曰筓竹籬箕可以箕

揚及去糞帚所以埽刷古者杜康作箕帚兼波我反

又甫佐反去竝丘呂反筐亦筓屬也筓圓而筐方篋長筓

也言其狹長篋篋然也筓先寺反箕者疏目之籠亦

言其孔樓樓然也黃氏曰篋竹籠

橢杆槃案栝盥盥

橢秃頗反一作橢杆一作盥槃
一作盤栝一作杯盥呼雅反盥

鳥管反
一作栝

橢小桶也所以盛鹽豉

盛音成桶徒孔反黃
氏曰橢器之狹長者杆

盛飯之器也一曰齊人謂盤為杆無足曰盤有

足曰案所以陳舉食也杯飲器也一名盥

音感
又音

貢 盥大杯也

黃氏曰盥大
栝也則方言

盥似孟而深長盥字

或作栝其音則同

蠡升參升半卮觥

蠡方言音麗升一作斗一作計
參俗作參卮音支觥音恒徒旦

反

蠡升瓢蠡之受一升者因以為名猶今人言勺

升耳

黃氏曰蠡方
言瓢勺也

參升亦以其受多少為名也

半者受五升之半謂二升五合

工杏
反

也此二者

皆罍壺之類也卮飲酒圓器也觥謂觶之小者

行禮飲酒角也

觥之鼓反黃
氏曰觥小觥

樽榼棊七箸簪

樽音鄆市充反一作樽榼丘荅
反棊音擊頗奚反榼息移反箸

陟慮反

簪音纂

楸小卮也上有蓋黃氏曰楸音遄木名恐非此楸小卮也音刺息是楹

盛酒之器其形榼榼然也裊圓榼也一曰厚榼

也黃氏曰裊圓榼漢書美酒一裊也楸七匙也上支反亦謂之枳

音四箸一名挾工篋反字從木所以挾食也黃氏曰箸即筯字簞

盛七箸之籠也

甄缶益益甕罍壺甄直睡反益烏浪反罍烏莖反益益一作瓮甗

甄小口罍也黃氏曰甄罍也缶益益一類耳缶即益也

大腹而斂口益則斂底而寬上缶字或作甄甄

甄小罍也甄音剖甄洛口反甕謂盛酒漿米粟之甕也

罍長頸餅也餅步丁反黃氏曰罍備火長頸餅也壺圓器也腹大

而有頸

右章第十三

甗甗甗甗甗盧一作甗甗丁浪反甗音邊甗胡雙反又侯降反

甗一名甗亦謂之甗又呼為鈇甗魚偃反又音言甗材林反又

音潛鈇音侈甗大盆一作甗也黃氏曰甗大甗又并甗甗甗瓦杆

也其形大口而庳一曰甗小盆也庳音婢黃氏曰甗小盆

瓦短頭長身之罍也

黃氏曰瓦長頸罍

罍甄之大腹者

也盧小甕今之作盧酒者取名於此

黃氏曰甕音盧酒器

纍緇繩索絞紡纍

纍力追反一作纍緇音橘一作緇纍音盧

纍大索也

黃氏曰索也

緇汲索也一名緇

汲音急緇音梗緇黃

氏本作緇注曰音梢帆維也又音宵廣韻作緇

繩謂紂兩股以上總而

合之者也索總謂切撚

乃典反

之令緊

工忍反

者也

一曰麻絲曰繩艸謂之索絞即糾也紡謂紡切

麻絲之屬為纍縷也已紡而成謂之紗

篇本紗字或作

纍黃氏曰纍布縷也

簡札檢署槩牘家

札側滑反檢其閃反槩自琰反又七豔反

竹簡以為書牒也札者木牒亦所以書之也檢

之言禁也削木施於物上所以禁閉之使不得

輒開露也署謂題書其檢上也槩版之長三尺

者也亦可以書謂之槩者言其脩長漸漸然也

木簡也既可以書又執之以進見於尊者形若

今之木笏但不挫

子臥反

其角耳家伏几也今謂

之夾膝

板柞所產谷口斜

柞一作窄在各反斜戈奢反

板謂木瓦也柞屋棧也亦謂之簣谷口在北即

今之雲陽治谷是也斜口在南山今斜谷是也

言二處皆足林木板柞從之而出生也一曰谷

口不出板窄而言谷口斜者止謂斜谷之口也

陽陵朱安世曰斜谷之木不足為我械

水蟲科斗蠃蝦蟇

蠃烏瓜反蝦音遐蟇音麻

水蟲總言在水之蟲也科斗一名活

胡闊反

東亦

曰活師即蝦蟇所生子也未成蝦蟇之時身及

頭竝圓而尾長漸乃變耳蠃一名螻蝻

俱獲反

色

青小形而長股蝦蟇一名螿

音警又音荆

大腹而短

脚

黃氏曰蠃即蛙字

鯉鮒蟹鱗鮐鮑鰕

鮒音附鱗音善一作鱣鮐音台又音箔鮑一作鮓於業反鰕音

遐一作蝦

鯉即今之鯉魚也鮒今之鱣魚也亦呼為鯽

音鱣

積鯽音即蟹八足二螯旁行螯音鱓似蛇鮐海魚也

鮑亦海魚加之以鹽而不乾者也鮫謂今之海

蝦堪為酢脯及所呼鮫米者又所在水中小鮫

可生嚼若燭而食之皆是也鮫之大者為鯧初燭

狡反鯧音鎬

妻婦聘嫁齋媵僮聘一作媵媵以證反一作媵

妻者齊夫之名婦者服事舅姑之稱聘謂因媒

而問也嫁謂自家而往適人也齋者將持而遣

之也媵送女也僮謂僕使之未冠笄者也言婦

人初嫁其父母以僕妾財物將送之也篇本媵字或作

媵音義並同

奴婢私隸枕牀杠杠音江叶音工隸即計反枕章莊反

奴婢男女賤者之稱也隸附著之義也私隸者

言屬著私家非給公役者枕所以支頭也牀所

以坐臥也杠者牀之橫木也亦謂之兆

蒲蒻藳席帳帷幢幢叶音童東京賦樹羽幢幢音童蒻如約反藳里刃反

蒨謂蒲之柔弱者也蘭艸名也亦莞音完又之音官

類也蒲蒨可以為薦蘭艸可以為席自上而下

覆謂之帳帳者張也在旁蔽繞謂之帷帷者圍

也形如車蓋者謂之幢言其童童然也

右章第十四

承塵戶幰條續總幰音廉一作簾續戶對反總作孔反叶子公反詩素絲五總一

作樊說文作縱足容反

承塵施於牀上以承塵土因為名也戶幰戶上

之幰也幰莫半反字或作簾黃氏曰幰帷條一名偏諸織

絲縷為之所以懸係承塵戶幰因為飾也續亦

條組之屬也似纂而色赤總以絲縷為之所以

束髮也一曰絨屬也所以緣飾衣裳也字或作

縱音義皆同

鏡斂疏比各異工斂音廉疏所蒞反比類寐反

鏡斂盛鏡之器若今鏡匣也黃氏曰斂即奩也櫛之大

而麤所以理鬢者謂之疏言其齒稀疎也小而

細所以去蟣蝨者謂之比言其齒密比也皆因

其體而立名也

櫛側乙反蟣居豈反蝨音瑟黃氏曰比音婢今作批細櫛也

各異王者言施用不同廢一不可也

芬薰脂粉膏澤笏

笏大東反

芬者蘊糝其質以為香也薰者燒取其烟以為

香也一曰芬薰總舉香艸之大稱也脂謂面脂

及脣脂皆以柔滑膩理也粉謂鉛粉及米粉皆

以傅面取光潔也粉之言分也研使分散也膏

澤者雜聚取眾芳以膏煎之乃用塗髮使潤澤

也笏者本用竹笏其後轉用金玉雜物寫竹狀

而為之皆所以盛膏澤者也

沐浴擗搯寡合同

擗音翦搯音咸

濯髮曰沐澡身曰浴

濯直角反澡子老反

擗搯謂鬻拔眉

髮也蓋去其不齊整者

擗即淺反搯亡切反鬻吐計反去丘呂反黃氏

曰擗搯泊須髮也

寡少也寡合同者言其妍澣

才性反少

對偶也

祿飾刻畫無等雙

祿音象畫胡卦反雙叶所終反詩南山雙叶庸從

祿飾盛服飾也

黃氏曰祿未并冠之首飾

刻畫裁製奇巧也

無等雙亦名殊絕異於眾也

裁在代反

係臂琅玕虎魄龍

琅玕火齊珠也一曰石之似珠者也

齊材言以詣反

虎魄為龍并取琅玕係著臂肘取其媚好且珍

貴也篇本龍字或作璽字蓋謂以玉為龍者也

璧碧珠璣玫瑰璫

玫音枚瑰音回璫廣韻於容反音容一作璫

璧玉璧也肉倍好謂之璧肉謂外邊之質好謂

孔子言質大而孔小居一倍也

好音耗

碧纁玉也

圓者曰珠不圓者曰璣皆蚌

平項反

之陰精也玫

瑰美玉名也以美玉為璫璫汲餅也言既帶珠

璧又服玫瑰之璫備眾寶也今俗人以雜寶為

璫之屬帶於嬰兒頸下此古之舊事歟春秋左

氏傳所云鞶璫及瑤璫皆其類也

璫音璫璫音璫

或曰

珠之尤精者曰玫瑰

玉玦環佩靡從容

玦古允反一作璣或巾反從七容反

肉好若一謂之環言孔及質廣狹豐殺

所例正

□齊也半環謂之玦衡璜

音黃

音居

音禹

畢口之

佩靡者順美之稱也從容言行止有節度者也

射魃辟邪除羣凶

射食亦反魃音奇巨宜反辟音壁

射魃辟邪皆神獸名也魃小兒鬼也射魃言能

射去魃鬼辟邪言能辟禦妖邪也謂以寶玉之

類□二獸之狀以佩帶之用除去凶災而保衛

其身也一曰射魃謂天剛卯也以金玉及桃木

刻而為之一名殺改其上有銘而旁穿孔系以

綵絲用係臂焉亦所以逐精魅也

殺音該改弋亥反此改字

從巳巳戈止反改更之改字從巳巳居擬反魅音媚

右章第十五

竽瑟空侯琴筑箏

竽音于筑音竹箏一作錚

一竽笙類也列管瓠中施簧管端官管在中央三

十六簧瑟庖犧氏所作也長七尺二寸二十七

弦今則二十四大瑟謂之灑山爾反長八尺一寸

廣尺八寸者也空侯馬上所彈也一名坎侯琴

神農所作也長三尺六寸六分五弦曰宮商角

徵羽周文王增二弦曰少式邵反宮少商大琴謂

之離二十七弦者也筑形如小瑟而細頸以竹

擊之箏亦瑟類也本十二弦今則十三

鐘磬鞀簫鼗鼓鳴

鞀徒刀反鞀一作鞀部迷反佩觸云鼓从支从皮皆非

鐘則以金磬則以石皆所用合樂也古者倕作

鐘母句作磬大鐘謂之庸中者謂之剽小者謂

之棧大磬謂之馨鞀貫把鼓也搖而鳴之大者

謂之麻小者謂之料把音霸料洛堯反簫一名籟編管

而列之參差象鳳翼也大者二十四管長一尺

四寸謂之言廣韻作箏小者十六管長尺二寸謂之

筴

胡交反

鞀騎鼓也其形似鞀而庳薄

騎其寄反庳音婢黃

氏曰鞀即鞀字騎上鼓

鼓之言郭也張郭皮革而為之也

大者謂之鼗

扶云反

小者謂之應

五音總會歌謳聲

總一作集謳烏
侯反一作德

五音宮商角徵羽也聲成文謂之音會謂金石
絲竹匏土革木總合之也長言謂之歌齊歌謂
之謳

倡優俳咲觀倚庭

倚一作伎咲一
作笑俳音排

倡樂人也優戲人也俳謂優之褻狎者也咲謂
動作云為皆可咲也倚立也觀倚庭者言人來
觀倡優皆倚立於庭中也倚字或作伎謂觀俳

倡之伎於庭中也

褻先列反
伎渠綺反

侍酒行觴宿昔醒

侍酒謂侍坐

才臥反

而飲酒也行觴傳觴也一曰

侍酒佐酒也行觴使佐酒者行觴也昔夜也病

酒曰醒

直貞反

經宿飲酒故致醒也

廚宰切割給使令

力呈反

廚庖屋也宰主烹飪者臠臠曰切臠解曰割給
供也主供此使役也

臠力轉反臠直輒反說
文薄切肉也臠音半反

薪炭萑葦炊孰生

萑戶官反一作
萑孰一作熟

取木而然之曰薪木之已燒者曰炭藪為萑謂

荻也

藪五患反
荻音敵

其新生者曰葵

他覽反

葭為葦謂

蘆也

葭音加
蘆音盧

二者亦薪之類可然燎也炊孰生

者謂烝煮生物使之爛孰也

臄臄炙裁各有形

臄房吻反臄古外反
炙之夜反裁俱吏反

臄麤切生肉也臄細切生肉也亦或以魚

黃氏曰臄

音憤切
孰肉也

炙謂炙之於火上也

炙音之弋反其字
從夕火炙裁之炙

之夜反其
字从肉

裁大變也各有形言別異不同也

酸醎酢淡辨濁清

酢音醋黃
本倉故反

言飲食眾品滋味各別清濁異宜也大酸謂之

酢平

一作
味

薄謂之淡

右章第十六

肌膈脯腊魚臭腥

膈音
弱

肌肉也肉表皮裏曰膈

而灼反說文云肉表革
裏黃氏曰膈也

膈而乾者謂之脯合骨全乾

一作
節

謂之腊

膈音
各反

腥者魚之臭

酤酒釀醪稽極程

酤音沽 醪音勞 極一作樂 今按稽極當作發 徹音止 矩

買酒曰酤 醞之曰釀 汁滓酒曰醪

問反

稽分也

極盡也言所飲之酒或酤或釀皆欲作經分然

後成熟極盡功程乃為善也古者儀狄作酒醪

禹嘗而美遂疏儀狄杜康又作秫酒

碁局博戲相易輕

易以 豉反

碁局謂彈碁圍碁之局也博亦局戲也十二碁

六箸

丈慮反

古者烏曹作博凡人相與為碁博之

戲者因有爭心則言辭輕侮失於敬讓故云相

易輕也

冠幘簪篸結髮紐

幘音責 簪一作篸

冠者冕之總名備首飾也幘者韜髮之巾所以

整幘髮也常在冠下或但單著之冠幘非一稱

也

韜士高反 幘初責反

簪一名笄 篸即步搖也

笄工奚反 搖式招反

結髮謂作結也紐謂結之鬢也凡結之可解者

曰紐鬢丘位反

頭頤頰頔頔眉目耳

頰音過頔之劣反一作准眉一作麋耳齒叶紐韻詩旄丘以叶

久伐木簋叶舅甫田耕叶畝有駮子叶有離騷芷叶晦古韻通漢叙傳始叶有

頭者首之總名也頤頰也頰鼻莖也頔兩頰之

權也眉在目上之毛也目眼也耳主聽者也

鼻口脣舌斷牙齒

斷魚斤反音根齒叶音口

鼻所以引氣也口所以言食也脣口端也舌主

知味又所以言也斷齒根肉也牡齒曰牙齒者

總謂口中之骨主齧齧者也

齧仕客反齧五結反

頤頔頔項肩臂肘

頔居郢反肘知有反

面兩旁曰頔下頔曰頔頔頭莖也項謂頔後頭

下也肩髀也臂手上也肘臂曲節也

捲腕節爪拇指手

捲一作拳巨負反腕一作腕烏貫反爪一作搔拇我后反

捲謂掌握也腕手臂之節也節衆指之節也爪

指甲也拇大指也一名將指指總謂衆指也

將子

亮反又讀如本字及掌謂之手

脾腴胸脇喉咽髑

脾音身以人反胸一作匈脇一作腕音宛咽音烟髑音偶

脾夾脊肉也腴腹下肥也胸膺上也脇肋音旁

也喉即喉嚨咽所以吞咽一見反物也髑肩前也

腸胃腹肝肺心主

腸大小腸也胃穀府也腹者肚音杜之總名謂之

腹者取厚為義也肝木藏也肺金藏也心火藏

也主者言心最在中央為諸藏之所主藏徂浪反

脾腎五藏臍齊乳

臍音聲又音毗一作肥腎時忍反齊一作臍

脾土藏也腎水藏也五藏總謂肝肺心脾腎也

臍齊即毗齊也毗步應迷反乳注

尻髑脊脊脊背呂

尻苦高反髑音寬呂一作饅

尻椎也誰音髑髑上也髑音聲又必尔反黃氏曰髑兩股間齊夾

脊內肉也呂脊骨也

股腳膝臏脛為柱

臏音靴一作臏脛戶定反腳一作脚

股髀肉也腳足也膝脛頭節也臏膝蓋也脛肝

骨也肝音衡下更反黃氏曰臏膝蓋骨膝一作髀為柱者言在髑髀

之下總載衆支屋之有柱也

踣踣跟踵相近聚

踣一作踣竝時充反踣戶把反跟音根近其斬反

踣腓音肥音臈也字或作腓其音亦同踣足之內

外踝也足後曰跟亦謂之踵跟猶根也下著於

地如木根也踵者鍾也上體任之力所鍾聚也

相近聚者踣踣及根踵不離逃也

矛鋌鑲盾刃刀鉤

鋌時連反鑲音襄又音攘盾豎尹反一作楯音矩

矛酋在由反也長二丈鋌鉄把小矛也江淮吳

越或謂之鍬

把音霸鍬式支反音施

鑲者亦刀劍之類其

刃却偃而外利所以推攘

人羊反

而害人也盾一

名敵亦謂之干即今旁排也

敵音伐黃氏曰盾作楯

刃總

言諸兵刃也刀大小衆刀也鉤亦鑲屬也形曲

如鉤而內利所以拘牽而害人也

黃氏曰鉤兵器

鍬戟鍬鎔劍鐔

鍬色入反戟一作鍬鍬音披鐔一音濠又音尋又徒南反鍬音

侯

鍬短矛也戟枝刃之矛也楚謂之子

古薛反黃氏曰鍬音

澀 鉞大刀也刃端可以披決因取名云

黃氏曰鉞劍如

刀裝者 鎔謂刀之鏤 所雷反 刃為道者也亦取其創

舍容之義 創初良反 鐔劍刃之本入把 音霸 者也 鏃劍

口也

弓弩箭矢鎧兜鉞 弩奴古反鎧苦代反兜了侯反鉞一作鏊音牙

以角曰弓以木曰弧一曰有緣謂之弓無緣謂

之弭古者揮作弓 弭莫亦反緣弋絢反揮許韋反 弓之施臂而

機發者曰弩以竹曰箭以木曰矢古者夷牟作

矢鎧甲也亦謂之介兜 也古謂之冑

反又

鐵錘槌杖稅秘投 鐵一作瓜反 作錘槌階秘音必投

一作及市朱反 投叶音投詩 孚叶求陸士衡詩 趨叶謳古韻通

鐵錘以鐵為錘若今之稱 尺證反 錘亦可以擊人

故從兵器之例張良所用擊秦副車即此物也

麤者曰槌細者曰杖稅小槌也 步頓反 今俗呼為

袖稅言可藏於懷袖之中也 黃氏曰稅木槌 秘攢也 攢在

官謂積竹之杖也一曰秘者總言矛戟之把也

音霸黃氏曰秘音筆矛柄投亦杖名也古者以積竹八觚為

及長一丈二尺建於兵車旅賁音奔以先驅而軍

士所執及者名之投司馬法曰執羽從投是也

投與及音同一曰投及古今字也黃氏曰投即及也

右章第十八

輜輶輹軸與輪輳輜音支一作輶音遙輳音康一作輳音涼

輜衣車四面皆蔽也輶輕車也輳輶也輳張軸

所以穿轂而轉也著輪曰車無輪曰輿輪總謂

輻轂夷輶也輳謂輿中空處所用載物也輳之

言空也爾雅曰漭空也漭苦岡反

輻轂輶輳輳輳輳輳輻音福轂音谷輶音管輳音牽

柔一作輳輳莫賓反輳音柔輳一作輳祈支反

輻者輪之輳也轂謂輻所輳也輳音潦輳千豆反輶轂

端之鐵也輳豎貫軸頭制轂之鐵也黃氏曰輳車轂端鐵

輳車軸頭鐵輳車輶也關西謂之輳言其柔曲也或

謂之轡言其絲連也轡字或作軛其音同

黃氏本作

軛 輶者轂中之空受軸處也

軛軾軫軫軾軾

軾音只軫之忍反軾音零軾音儀又音蟻軾音納

軾叶戶郎

反見詩采芑
閼宮楚辭

軾軸兩頭也一曰輪之小穿也軾車前橫木也

軾車後橫木也軾兩轄之系也故路車之轄施

小旛

乎

者謂之飛軾

一曰

車轂間橫竹也軾

車衡上貫纒環也

黃氏曰車衡載纒者

軾馬內纒繫軾

前者也衡者橫也橫木在馬頸上者

蓋輶俛倪柅縛棠

輶音老俛匹詣反倪音詣柅音厄一作柅縛如字

蓋車上蓋也輶蓋弓之施爪者也謂之輶者言

若屋之椽輶也俛倪持蓋之杠在軾中央環為

之所以止蓋弓之前卻也

杠音江

柅在衡上所以

扼持牛馬之頸也縛在車下主縛軸令與相連

即今所謂鉤心也棠蹠也在車兩旁以蹠距臆

使不得以崎也

蹠丈庚反又丑庚反
臆丘偃反崎丘宜反

繚勒鞅鞞鞞鞞鞞

鞞許見反鞞音半
鞞音姜一作繮

在首曰繚亦謂之勒在頸曰鞅在腋曰鞞在足

曰鞞

腋音
弋

羈絡頭也謂勒之無銜者也鞞馬紉

也凡此皆所以制御馬者也

鞞鞅鞞鞞鞞鞞

鞞音因一作茵鞞音伏鞞音杜
鞞音薄鞞彼驕反錫一作錫音羊

鞞車中所坐蓐也

黃氏曰
鞞車席

鞞韋囊在車中人所

憑伏也今謂之隱囊

隱於鞞反黃
氏曰鞞車曰

鞞鞞車中重

薦也

重丈龍反黃
氏曰鞞鞞也

鞞所以被馬取其安也鞞即

馬繚之銜也亦謂之鞞鞞之言苞也所以包

馬口者也或曰鞞者銜兩傍之鐵今之排沫

音未

是也

鐵魚
列反

錫馬面上飾也以金銅為之俗謂之

當顛

黃氏曰
錫馬額

斬鞞鞞色焜煌

斬居舉反鞞余忍反又居覲反
鞞音茸又而用反一作茸鞞也

協反焜
胡本反

斬驂馬之帶也鞞謂當胸者也

黃氏本
鞞作鞞

鞞鞞以

毛毳飾鞞也

黃氏曰茸鞞
飾紫茸題頭

色焜煌者言其光采

盛也

革鞮髮漆油黑蒼

鞮音色 髮音休

革鞮車藉之交革也一曰重革之幘所以覆車

笭也笭車前曲欄也

藉材夜反重丈龍反幘莫歷反笭音零黃氏曰鞮車

馬絡帶髮漆者以漆漆之油者以油油之皆所以

為光色而御塵泥其色或黑或蒼故云黑蒼也

黃氏曰髮漆赤多黑少

室宅廬舍樓殿堂

室止謂一室耳宅總言院宇之中也

院于廬別眷反

室也一曰田野之室也舍謂人於其中舍息也

樓謂重屋離樓然也殿謂室之崇麗有殿鄂者

也鄂五各反凡正室之有基者則謂之堂

右章第十九

門戶井竈廡困京

廡音舞困丘倫反京叶居良反見詩定之方中下泉正月甫田

大明公劉

大曰門小曰戶井所以汲也竈所以炊也廡周

屋也廡謂幪覆之也幪音舜困園倉也京方倉

也一曰京之言矜也寶貴之物可矜惜者藏於

其中也

榱椽構櫨瓦屋梁榱音衰楚危反椽音傳一作椽音綿構音博櫨音盧

榱即椽也亦名為楠音角構櫨柱上之枅也自陝

以西呼之為楹枅音奚反瓦屋以瓦覆屋也梁

屋上梁也一名梁音末音亡又音音

泥塗聖墍壁垣聖音惡墍音許既反

泥塗作泥以塗飾之及塞隙穴也聖白土也
仰塗也壁辟也辟禦風雨也垣援也人所依阻
以為援衛也墻鄣也所以自障蔽也援于万反又于倦反

鄣音章

榱植板栽度園方植音貞栽才代反又音再度待洛反

榱植築牆之植木謂豎立者也植直板牆板也

栽築牆也度園方者量計所宜先立基址然後

築也詩曰縮版以載

擊壘廡廡庫東箱

擊音激壘力軌反一作索廡音膾古外反廡音救

擊者抑泥土為之令其堅激也擊壘累擊而為

障蔽也障之一曰壘軍壁也廡芻橐所居也廡

生馬所聚也庫兵車所藏也東箱東序之屋也

屏廁清溷糞土壤

屏必郡反廁初吏反清一作圃溷胡困反壤叶音攘

屏僻宴之名也僻匹亦反廁之言側也亦謂僻側也

清言其處特異餘所常當加潔清也溷者目其

穢濁也屏廁清溷其實一耳柔土曰壤言屏廁

之地以糞穢則其土為壤也

碓磴扇噴舂簸揚

碓音對得悔反磴五對反噴音頰一作匱舂傷容反簸波我反

揚一作颺

碓所以舂也磴所以礮也亦謂之礮莫賀反

反見方言古者雍說文父作舂魯班作磴扇扇車也

噴扇車之道也噴字或作隨隨之言墜也言既

扇之且令墜下也舂則簸之揚之所以除穢

也揚字或作颺音義同穢音比

頃町界畝畦埒封

町徒頃反埒音劣封叶鋤韻古韻通一作畝音庚叶音史

田百畝為頃平地為町一曰町治田處也周制

百步為畝自漢以來二百四十步為畝田邊謂

之界田區謂之畦今之種稻及菜為畦者取名

於此一說五十畝曰畦埒者田間墾道也一說

謂庳垣也今之圃或為短牆蓋埒之謂也封謂

聚土以為田之分界也

墾音眉庳音婢

疆畔畷伯耒犁鋤

畔薄半反畷丁劣反又丁衛反伯一作佰一作陌耒力對反犁

今反鋤作鉏

疆比田之界也

比類寐反

畔分半田之際也畷兩伯

間豎道也

黃氏曰畷井田間道

耒手耕曲木也古者倕入

耒今之曲把耒鋤其遺象也

把音霸耒下瓜反鋤干消反

犁

亦耕具也犁之言利則發土而絕艸根也鋤之

言助也助苗去穢也

右章第二十

種樹收斂賦稅租

斂良冉反

種藝也樹植也春夏種植秋冬收斂農之常業也斂財曰賦斂穀曰稅田稅曰租皆所以供公家之用也

拮獲秉把插捌杷

拮居運反一作攆獲胡郭反把博下反插楚洽反一作甫捌博

拔反一作拔杷蒲巴反叶音懼詩瑕叶胡牙叶居楚辭遠遊霞叶除離騷家叶狐史記龜策傳瑕叶徐張儀傳苴音巴古韻通

拾遺曰拮刈取曰獲拮字或作擣音義皆同一束曰秉一把曰把插者擔也兩頭鐵銳所以插

刺禾束而擔之也無齒為捌有齒為杷皆所以

推引聚禾穀也或曰插者鑿也此說失之鑿自

有甬名今此方說收斂之具無涉金鐵非鑿甬

之甬也

插者擔也之擔丁濫反鐵子廉反擔丁甘反黃氏曰甬春去皮也

桐梓椶窠榆椿樗

椶音蹤又七恭反窠一作松椿丑倫反一作樗樗一作椿音擔

桐即今之白桐木也一名榮梓楸類也一名椅

於奇反

椶葉似柏者也松有黃赤白三種榆白粉

也

粉扶云反

椿字或作樗其音同樗似椿而木虛惡

在竺諫朝章中

牂殺羯羴羴羴羴

牂子桑反殺音古羯音許羴音兒羴音兆羴音低又都禮反羴

音俞

牂吳羊之牝也殺夏羊之牡也殺之牯者為羯

謂劇之也羴亦驟羊也又西方有野羊大角牡

者曰羴牝者曰羴竝以時墮角其羴角尤大今

人以爲鞏橋羴角差小可以爲刀子把爾雅曰

羴如羊即謂此也

劇居言反鞏加敗反驟音繩羴音原把音霸

羴羊

未卒歲也

卒子律反又子內反

一曰羴羊重百斤者為羴

羴牂羊之牡也羴夏羊之牡也

黃氏曰羴黑羴

六畜蕃息豚豕豬

畜許六反蕃音煩豕一作彘

六畜牛馬羊豕雞犬人所畜

許六反

養者也蕃滋

也息生也豚謂豕之始生者也豕者彘之總名

也豕之三毛聚者曰豬而春秋左氏傳曰既定

爾婁豬爾雅曰豕子豬然則亦其通稱也豕之

絕有力者曰豨其牝曰豨

婁洛侯反豨音厄豨音巴

猥獫狻犬野雞雛

猥古暇反獫扶云反
狻古卯反犬一作狗

猥牡豕也獫豨豕亦謂之獫

弋筆反又徒果反
黃氏曰獫豕去勢

狡犬匈奴中大犬也鉅口赤身一曰狡少犬也

式邪反謂狗之有懸蹄者也野雞生在山野鷓鴣雞

鷓鴣雞天雞山雞之類皆是也

鷓音驕鷓音曷
一本鷓作鷓

鳥子生而啄食者皆曰雛

啄竹角反

右章第二十一

急就篇卷第三終

急就篇卷第四

慘怵特牯羔犢駒

慘蘇舍反怵音貝
普外反牯音界

慘三歲牛也怵二歲牛也一曰長脊之牛也牯

劇牛也特羊子曰羔牛子曰犢馬子曰駒

雄雌牝牡相隨趨

牝頻引反

飛曰雄雌走曰牝牡詩云雄狐綏綏書稱牝雞

無晨亦互言之無所滯也

糟糠汁滓稊莖芻

糠本作糠俗從米汁音執滓音
第稊古老反莖采臥反芻初俱

反一
作芻

糟酒粕也

粕音各反

糠米皮也亦謂之蠶汁瀋也

瀋尺

審反滓澱也

澱音殿一作澱

稟禾稈也

稈工旱反

莖細斫稟也

芻刈生草也字本作芻音義同言此皆所以飼

牛馬羊豕也

鳳爵鴻鵠鴈鶩雉

鵠胡篤反鶩音木

鳳神鳥也其狀麟前而鹿後蛇頸魚尾龍文龜

背燕頤雞喙鶴立鴛思五采備舉一名鷗青偃其

雌曰皇

頤下感反喙許穢反思息寺反說文

謂神爵以下衆雜爵也神爵之形或大如鸚黃

喉白頸黑背而腹斑文或大如鳩而背五色鴻

一水鳥也其色正白鵠黃鵠也一舉千里其鳴聲

鵠鵠云鴈亦鴻類也其色蒼黑鶩一名舒鳧即

今之鴨也雉有十四種其文采皆異焉

鷹鷂揚鷂鷩彫尾

鷩音耀一作鷩揚音保鷩音括鷩一作鷩雕與鷩同一

雕作

鷹一名來鳩亦曰爽鳩鷦一名題肩亦曰擊征

又名負爵色類甚多皆鷲鳥也鄭康成以擊征

為鷹失之矣鳩大鳥其肉出尺截今俗呼為獨

豹豹者鳩聲之訛耳鳩字或作鷦音讀亦同鷦

者鷦也關西謂之鷦鹿山東謂之鷦捋來奪皆

象其鳴聲也又呼為錯落亦鷦聲之轉也鷦音倉黃

氏曰鷦鷦謂凡鳥羽之可隱鷦者也舞者所持

羽翽以自隱鷦因名為鷦云今雅樂文康部所

持者即此物也一曰鷦者謂華蓋也今之雉尾

扇是其遺象翽徒到反雕亦大鷲音鳥也一名

鷲徒端反其尾尤盛故特稱之耳

鳩鷦鷦中網死鷦音晏於諫反中陟仲反

鳩有雜種其名非一鷦鳩鷦鳩鷦鷦鷦鷦鷦

鳴鳩之類是也鷦居物反鷦音葵鷦音及鉅立反鷦音浮鷦似鷦鷦

而色青白其鳴聲鷦鷦因以名云鷦鷦屬也一

名鷦其雄曰鷦雌曰廩其子曰鷦鷦音烏舍反鷦音遼又力召

反鵲音皆庠音婢鳩音文鵲謂鵲雀也一名雀今俗呼為鵲

爛堆雀音扈堆言此衆鳥皆為人所捕觸於羅

網而致死也

鸛鵲鳴梟驚相視鸛一作戴音緣

鸛即今俗所呼老鸛者也鵲者亦因鳴聲以為

名也其為鳥也知來作巢則避太歲上巳言鸛

下又言鸛者謂鵲莫項反鵲茅鸛怪鸛之屬非止

一也梟土梟也驚相視者叙其衆多雜居處也

豹狐距虛豺犀兕距虛一作駮驢

豹似烏塗而圓文狐妖獸也鬼所乘距虛即蛩

蛩音印也似馬而有青色一曰距虛似羸音羅而小

豺深毛而狗足犀黑色似水牛而豬頭大鼻庠

音婢脚脚有三蹄其頂額及鼻凡有三角亦有一

角者善食棘刺兕似野牛而色青重千斤一角

角甚大

狸兔飛鼯狼麋麇麇音吾麇音几

狸一名豺亦謂之貍江淮陳楚謂之為豺其子

隸豺音邳隸音來免其子曰嬾絕有力者欣嬾音毗隸音四

萬反飛鼯一名飛蠹鼯音壘又曰鼯鼠亦曰夷由即今

俗呼飛生者也狼似青狗走則健顧其牡者曰

獾牝者曰狼其子曰獾絕有力者曰迅獾音權

反迅息麋似鹿而大冬至則解角目上有脊因

以為名也其牡者曰麋其久反牝者曰麋音辰其

子曰麋音禊絕有力者曰狄麋黃氏曰麋即鹿也

右章第二十二

麋麋麋麋皮給履麋俱倫反麋音主麋音京一作麋麋音優一作鹿

麋即今之麋也音章牡者曰麋牛羽反牝者曰麋音栗

其子曰麋音助絕有力者曰狎音麋麋即麋也

鹿尾大而一角談說者飾其尾而執之以為儀

麋似大鹿一角而牛尾鹿牡者曰麋音加牝者曰

麋其子麋音迷絕有力者曰麋音堅皮可以給履鳥

之用也

寒氣泄注腹臚脹

張臚音閣 臚音帳一作

寒氣中寒冷之氣也泄利也言水穀漏泄也注者注易之病一人死一人復得氣相灌注也腹

前曰臚脹謂腹鼓脹也一曰臚皮也

痂疔疥癩癡聾盲

痂古牙反疔匹婢反盲叶亡亮反周禮盲眊音望一作忘

痂創上甲也疔謂薄者也

黃氏曰疔頭疥小蟲瘍又瘡上甲

攻齧皮膚灌

千斯反

錯如麟介也癘惡疾也癡不

慧也耳不聞聲曰聾目不見色為盲也

癰疽癧癘痿痺瘰

癧音掣又充制反癧音縱又子容反痿音萎痺音庇瘰音帳一

疾作

癰之言壅也氣壅否

皮部反

結裏腫而潰也癰之

久者曰疽癧癘小兒之疾即今癩病也

黃氏曰小兒驚

痿不能行也痺風溼不仁也一曰痿偏枯也

黃氏

曰痿溼病兩足不能相及痺脚冷病

瘰四體強急難用屈申也字

或作痲音義竝同

黃氏曰瘰即瘰字

疝瘕顛疾狂失響

疝音訕又音剛瘕加雅反又音遐顛一作癩響叶音向

疝腹中氣疾上下引也瘕瘕也顛疾性理顛倒

失常亦謂之狂獯葵橘反妄動作也失響者失音

不能言也

瘧瘵瘵痛瘧溫病

瘧音虐瘵音厥一作瘵瘵了遠反瘵一作瘵病叶音恙

瘧寒熱休作之病言其酷虐也瘵者氣從下起

上行又心脇也瘵積血之病也痛總謂諸痛也

瘵者無名之病常漠漠然也一曰齊人謂瘵病

曰瘵瘵側介反溫病病於溫氣者也

消渴歐逆欬瀉讓

歐一作嘔欬苦代反瀉與悶同

消渴者引飲不止也嘔逆吐他故反而不下食也

欬嗽一作瘵先豆反也瀉煩悶也讓大便節瀘積而利

也瀘於粉反

瘵熱瘵痔眇眇眼

瘵音直瘵音漏痔音時眇充支反眇音蔑一作眇眼音諒

瘵熱黃病也

黃氏曰瘵字應作疸黃病說文怛漢反

瘵久創也創初

羊疔蟲食後之病也眇謂眇覲目之蔽垢也覲音

兜黃氏曰眇目汁凝也

眇目皆傷赤也

皆音漬黃氏曰目眇也眼目

視不正也

篤癰瘰癧迎醫匠

癰音隆亦作瘰瘰瘰一作衰瘰

篤重病也癰疲病也瘰損耗也瘰四支不收

一作

疲瘰醫匠療病之工也古者巫彭初作醫

療力召反

右章第二十三

灸刺和藥逐去邪

灸音窕刺七賜反又七亦反去起呂反邪叶祥余反詩思無邪

息馬斯徂苴徐

灸以火艾灼病也刺以箴刺之也

箴之林反和藥合

和衆藥也艸木金石鳥獸蟲魚之類堪愈疾者

總名爲藥凡人正氣不足則邪氣入體而病生

焉故敘攻病云逐去邪也

黃芩伏苓礬苳胡

芩音琴其今反礬音豫弋庶反苳古柴字

黃芩一名空腸一名腐腸腐扶羽反一名內虛一名

妒婦伏苓一名蒺藜生大松樹下蓋松脂所化

一作也礬礬石也一名青分一名制石又名澤乳

亦曰食鹽苳胡一名地薰許云反一名山菜

牡蒙甘艸菀藜蘆

菀於阮反

牡蒙一名黃昏甘艸一名蜜艸一名路音一名

藟音靈一名大苦菀謂紫菀女菀之屬也藜蘆一

名蔥菹他敢反一名山蔥

烏喙附子椒芫華

喙許穢反一作隊芫音元華叶芳無反古讀為敷詩唐棣之華

舜華荷華黍稷方華叶車琚且塗韻說文艸木華也音敷又叶音

烏喙形似烏之嘴也嘴子藥反附子附大根而旁出

也此與烏頭側子天雄本同一種但以年歲遠

近為殊採之有異功用亦別說者云一歲為側

廣雅子二歲為烏喙三歲為附子四歲為烏頭

五歲為天雄椒謂秦椒及蜀椒也椒之大實者

名檄音毀芫華一名魚毒漁者煮之以投水中魚

則死而浮出故以為名其根曰蜀桑其華可以

為藥芫字或作杭爾雅曰杭魚毒郭景純解云

大木生南方皮厚汁赤堪藏卵果此說誤耳其

生南方用藏卵果者自別一杭木乃左思吳都

賦所云絲杭枕樵樵者耳非毒魚之杭也樵即樁字

半夏阜莢艾橐吾莢音頻

半夏五月苗始生居夏之半故為名也一名地

文一名守田阜莢樹一名雞栖艾一名冰臺一

名醫州橐吾似款冬而腹中有絲生陸地華黃

色一名獸須

芎藭厚朴桂栝樓芎去弓反藭渠弓反栝古活反樓叶力俱反

芎藭一名胡藭一名香果其葉名蘼蕪厚朴一

名厚皮一名赤朴凡木皮皆謂之朴此樹皮厚

故以厚朴為名其樹亦名榛其子名遂析桂謂

菌渠隕反桂牡桂之屬百藥之長也栝樓一名果

羸一名王瓜亦曰天瓜禮月令孟夏之月王瓜

生鄭康成以為葷挈非也羸郎果反葷步八反本艸菝萋挈日黠反

款東貝母薑狼牙東一作冬牙叶音虞詩騶虞叶音牙析父予王之瓜牙五胡反

款東即款冬也亦曰款凍音東以其凌寒叩冰而

生故為此名也生水中華紫赤色一名兔奚亦

口顛東貝母一名蝨一名藥實一名茗本艸作茗

一名勒母其根正白形頗似貝故呼貝母薑謂

生薑乾薑也狼牙一名牙子一名狼齒又名犬

牙

遠志續斷參土瓜參山林反瓜叶音狐又攻乎反見詩木瓜七月信南山

遠志主益智惠而強志故以為名一名萋繞一

名棘菟其葉名小草亦目其細小也萋烏了反音奔菟於

元續斷一名接骨即今所呼續骨木也又有艸

續斷其華細而紫色根亦入藥用參謂人參丹

參紫參玄參沙參苦參也土瓜一名菲芳尾一反

名芴音勿

亭歷桔梗龜骨枯桔音結梗古杏反

亭歷一名丁歷一名葍一名狗薺葍音薺桔梗一

名利如一名梗艸龜骨謂龜甲也枯者言其已

死骨乾枯也

右章第二十四

雷矢藿菌蓋兔盧

藿胡官反菌渠
隕反蓋徐刃反

雷矢即雷丸也又名雷實藿菌一名藿蘆生東

海池澤及渤海章武此藿蘆之地所生菌也舊

云是鸛矢所化故其為藥毒烈而去腹中痼病

焉蓋艸治久欬殺皮膚小蟲又可以染黃而作

金色兔盧即兔絲也色黃而細者為兔絲一名

兔縷一名唐一名蒙一名女蘿一名玉女一名

赤網麤而色淡者為兔盧盧亦縷也一名兔纒

纒者繩索之意也

卜問譴崇父母恐

譴去戰反崇息
遂反問一作夢

言家有不安所以卜問及云鬼神譴責用致禍

崇故家長恐懼也以龜曰卜

祠祀社稷叢臘奉

叢一作
叢音同

祠者伺而祭之祀者祭無已也社地主也稷先

農也故求福焉叢謂艸木岑蔚之所因立神祠

也戰國策曰

應侯謂
秦昭王

恒思有神叢恒思之得少

年與叢博史記曰吳廣之次所旁叢祠中夜構
 火皆謂此叢也一曰叢者合聚諸神而祭之也
 臘接也廣祭百神也奉謂供其粢盛牲特幣帛
 以事神也成盛音

謁禡塞禱鬼神寵

禡音陽移章反塞先代反一作賽

謁告請也禡道上之祭也塞報福也禱求助也
 言既請禱又報賽之故為鬼神所寵祐也

棺槨槨遣送踊

槨音衛遣音遣踊音勇

言死亡者則為棺槨槨以遣送之隱痛之
 故擗踊也棺所以斂身槨所以斂棺也擗拊心
 也踊跳躍也孝經云擗踊哭泣哀以送之

拊芳羽反

跳大堯反擗類亦反黃氏曰槨小棺槨即槨

喪弔悲哀面目腫

喪謂遭喪持喪也於字哭亾為器弔謂問終者

也於字人持弓為弔上古葬者衣於既反之以薪

無有棺槨常苦禽鳥為害故弔問者持弓會之

以助彈射食亦反也

哭泣祭醜墳墓冢醜音綴

醜謂連續之祭也墳封土而高之也大防曰墳

故取以為名也墓廣穴也謂之墓者言其幽暗

常昏暮也墳之高者為冢言其象山頂也爾雅

曰山頂冢

諸物盡訖五官出

言已說諸物次至五官也古言五官者總舉眾

職以配五行無所不苞事起五鳩五雉若今言

百官也禮記曰天子之五官曰司徒司馬司空

司士司寇典司五眾也

宦學諷詩孝經論盧昆反

宦仕也言欲仕學者必當先諷讀詩及孝經論

語也詩孔子所刪為三百篇者也孝經孔子為

弟子曾參所說也論語孔子與弟子言及應對

時人之語也詩字或作誦

右章第二十五

春秋尚書律令文

春秋孔子約史記而修之也天有四時春為陽

中竹仲反萬物以生秋為陰中萬物以成故錯乎

舉之苞十二月而為名也尚書孔子所修帝王

之書也謂之尚書者言自上古以來其事久遠

也律之言率也制法以率下也一曰律述也具

述刑名也令命為政也言官學之人又當皆習

讀此等也

治禮掌故砥厲身

砥音脂又音旨一作底厲力世反

治禮贊禮儀者也掌故主故事者也皆屬太常

言始為此職尚未高顯宜謹訪丑力反其身敦修

學行也云砥厲者蓋譬諸金鐵磨利之也細石

曰砥黑石曰厲或為礪

智能通達多見聞聞叶微勻反見詩葛藟

名顯絕殊異等倫

以自砥厲故得然也

抽擢推舉白黑分

抽一作超分叶乎
中反見荀子成相

賢者升擢不肖黜退是為白黑有分別也

迹行上究為貴人

迹一作積
行下孟反

迹行行之迹也上究聞於天子也究意也言終

始昭著曾無玷缺則簡在帝心為貴臣矣

丞相御史郎中君

此即貴人之位也丞承也相助也言上承天子

而佐助之也御史大史大夫也職副丞相郎中

郎中令也掌宮殿門戶及從官竝秦所置而漢

因之君褒尊大官之名也

從才
用反

進近公卿傳僕勳

近其
斬反

公卿之被引進而親近天子者有此傳僕勳傳

太傅也傳天子以德義僕太僕也主為天子御

車馬勳光祿勳也漢武帝改郎中令為光祿勳

前後常侍諸將軍

在天子之前後卽導從者則有常侍之官及諸將軍也

右章第二十六

列侯封邑有土臣

列侯第二十爵也邑所食之邑言封爲列侯者旣獲邑之土地又得因有家臣也

積學所致非鬼神

言饗此爵祿皆由勤學卽可致之非別有鬼神

之力此所以深勸學僮也

馮翊京兆執治民

自此以下汎論職務也漢武帝始分京師爲三輔京都爲京兆左則爲馮翊右則爲扶風京兆言高而有衆也絕高曰京十億曰兆一曰京大也馮翊言輔贊政教也馮輔也翊贊也扶風者言扶助風化也

廉潔平端撫順親

姦邪竝塞皆理馴一作階理 巡馴音巡

變化迷惑別故新別彼 列反

下有愚迷之人則能化喻使其變改去故之非

行今之是也

更卒歸誠自詣因更工 衡反

卒給使役者也更言其去來更代也詣候至也

因就也謂更卒之徒厭苦疲倦常多逃匿苟求

脫免若逢善政則懷德感恩來陳誠款自詣官

寺就作役也

司農少府國之淵少失照反 淵叶一均反 詩其

不作人楚 辭淵叶仇

司農領天下錢穀以供國之常用少府管池澤

之稅及關市之資以供天子少者小也府者聚

也財物所聚也非郊廟兵戎大用故謂之少府

司此二者百物在焉故以深泉為喻也

遠取財物主平均遠取財物一作援 衆錢穀平一作辨

言遠方之輸賦稅者或以雜物克之價有貴賤儻與京師不等又當有轉送費用不欲勞擾故立平準均輸之官各就所在受納不損於私而官有利也

右章第二十七

皋陶造獄法律存

陶餘招反存叶祖陳反見楚辭大招

皋陶舜臣名亦號庭堅命為士官始制囹圄法律備焉欲言刑罰之事故先陳之也獄之言圜

也取其堅牢也字從二犬所以守備也

圜音角

苓 禦

誅罰詐偽劾罪人

劾胡得反又胡槩反

誅責也罰治也劾舉案之也詐偽則責治有罪則舉案

廷尉正監承古先

先叶音詢見楚辭九歌

廷尉掌刑獄之官秦所置也漢亦因之廷者平也朝之處也尉者武官之號也兵獄同制故曰

廷尉廷尉屬官有正有監言因承上古先代而置之

總領煩亂決疑文

文叶微 勻反

煩亂則領理疑議則詳決此獄官之職也

變鬪殺傷捕伍鄰

變鬪者為變難

乃旦反

而相鬪也殺傷相傷及相

殺也捕收掩也有犯變鬪傷殺者則同伍及鄰居之人皆被收掩也隣伍解已在前

亭長游徼共雜詆

徼工鈞反一作游徼 亭長詆音軫叶音真

亭長一亭之長主逐捕盜賊游徼鄉之游行徼

循皆督察姦非者也雜猶參也詆驗視也有被殺傷者則令亭長與游徼相參而詆驗之知其輕重曲直也秦漢之制十里一亭亭有高樓所以候望鄉嗇夫治之游徼即嗇夫之所統也

盜賊繫囚榜笞髡

徒渾反 榜音彭

繫囚拘繫之也榜笞捶擊之也髡剔也獲盜賊

者則拘繫而捶擊其脛考問其狀也

繫竹立反捶之藥反

朋黨謀敗相引牽

牽叶起巾反詩楚漢愆叶孫荀子成相賢叶民

同謀之中一人事敗則牽引朋黨皆發露也

欺誣詰狀還反真

囚繫之徒或欺詐閉匿或誣寃良善既被考詰

窮治由狀乃歸實也

右章第二十八

坐生患害不足憐

干紀速辜人所同嫉者也

辭窮情得具獄堅

既窮其辭又得其情則鞠訊之吏具成其獄鍛

鍊周密文致堅牢不可反

音翻動也訊音信鞠居六反

籍受證驗記問年

簿籍所受計其價直并顯證以定罪也記問年

者具為書記抵其本屬問年齒也幼少老耄科

罪不同故問年也

抵丁禮反

閭里鄉縣趣辟論

趣音促一作趨辟扶亦反論盧昆反

里門曰閭里者本其所居之里也里屬於鄉鄉統於縣趣謂催速之也辟法也里鄉及縣遙相催速使早報問則依憲法而論決也

鬼薪白粲鉗鈇髡

鉗巨淹反鈇音第徒計反又音大髡若門反

此謂輕罰非重罪者也鬼薪主取薪柴以供祭祀鬼神也白粲主擇米取精白粲粲然者也以

鐵錯頭曰鉗錯足曰鈇

錯也合反黃氏曰鈇音大即鉗

髡髮曰

髡

髡他計反

不肯謹慎自令然

然叶音言詩無羊年叶溱漢叙傳賢玄叶門論

已則招之又誰咎也

輸屬詔作谿谷山

詔一作治山叶所旃反詩小弁山叶泉殷武山叶九

輸屬言配入其處也詔敕別有所輸作也一曰

詔書處

昌汝反

罰令其輸作也山瀆無所通曰谿

泉出通川曰谷一曰水注川曰谿注谿曰谷配

於谿谷及山徒役之也

箠起居課後先

箠音孤 箠音秋 又此遙反 又七召反

箠吹鞭也

黃氏曰竹簫也 洛陽亭長所吹

箠吹簫也

黃氏曰吹簫以勸工

者起居謂晨起夜臥及休食時也言督作之司

吹鞭及竹簫為起居之節度又按其程課先者

免罰後者懲責也今之伎倡欲相號令者則吹

指為節蓋吹鞭之遺事

斬伐材木斫株根

斫音

斬截也伐攻取也材謂木挺也

挺大鼎反

斫栽曰株

斫五葛反 栽音哉

樹本曰根言徒役之人給此事也

右章第二十九

犯禍事危置對曹

曹叶徂侯反見詩載 馳泉水楚辭招隱士

犯禍犯法而致禍也事危其事領危也既被驗

問則置立對辭於曹府也

謾訑首匿愁勿聊

謾謨官反又音慢 訑音移 聊叶音留見楚辭九章招隱士

謾訑巧黠不實也首匿為頭首而藏匿罪人也

勿聊無聊賴也

縛束脫漏亡命流

束一作購 一候反

命者名也既被縛束忽脫漏則亡其名籍而流

迸也

迸布 誣反

攻擊劫奪檻車膠

膠叶音豪見 楚辭大招

言強盜羣盜相與攻擊劫奪人者吏捕得之載

以檻車又加膠漆取周密也檻者車如檻形義

在幽閑防泄露也一曰膠者謂膠罪人之目使

不得開絕變難也擊字或作剽剽亦劫也

剽頻 妙反

嗇夫假佐扶致牢

嗇夫鄉之有秩者也假佐縣之假吏也扶致牢

者扶持罪人而致之於牢獄也一曰假佐者嗇

夫之權佐也謂之牢者言若豢豕之牢亦取其

堅牢也

豢音 患

痕痛保辜誑呼號

痕音紙又音支痛音洧誑古啼 字一作啼號一作嗶律並音豪

歐人皮膚腫起曰痕歐傷曰痛保辜者各隨其

狀輕重令歐者以日數保之限內致死則坐重

辜也詭呼號者被歐之人稱痛酷也

歐於口反坐才臥反

黃氏曰疢歐傷也痛瘡痛也

號或作猱音義同

乏與猱逮訶讒求

猱烏賄反訶休正反讒音睢古縣反

律有乏興之法謂官有所興發而輒稽留闕乏

其事也猱盛多也逮傳捕也猱逮者矯為官府

多有逮捕也訶謂知處密告之也

黃氏曰訶讒自言長也

隱語也謂偵伺官府利害隱密其事有所追求

也

黃氏曰讒流言有所求也

一曰乏興之人棄家逃匿故官

司逮捕訶讒而求也

輒覺沒入檄報畱

檄刑狄反

檄者以木為書長二尺報者處當罪人也言有

乏興猱逮及訶讒者其事發覺身則沒入為奴

婢或沒其家財則為檄書處當其罪而畱之也

處昌汝反當丁浪反

受賕枉法忿怒仇

賕巨牛反

以財求事曰賕言受人財者枉曲正法忿怒良

直反為仇讎也

右章第三十

讒諛爭語相舐觸

舐一作抵

讒相譖也諛諂言也爭語謂各持辯說也有爭語者常相舐距而擊觸也一曰爭語謂交相譖毀也

憂念繞急悍勇獨

憂一作更悍侯中反一作捍

言無賴之人不自修整以陷罪惡臨機迫猝

千忽

反更生邪計妄為凶悍當窘厄也

窘求閔反

迺肯省察諷諫讀

省息井反

迺肯猶言寧肯謂不肯也平居之時既無立操之方又違從善之義有諷諫者不肯省察而習讀之所以遂成過惡以至喪敗也一曰危急之後方自省躬而讀諷諫息改過也

涇水注渭街術曲

街古諧反術常出反

此說京畿之內也涇水出安定汧頭山

汧口至堅反

陽陵而入渭

渭頭山地理志作开苦見反又音牽括地志作笄顏氏曰山在今靈

州東南土俗語訛謂之汧屯山

四達之道曰街邑中之道曰術

里中之道曰曲

筆研籌算膏火燭

研倪甸反籌一作投

此記官府之中給長史以下之具也

長竹反筆所

以書也一名不律亦謂之聿研所以研

五賢反墨

也籌所以付與算所以計度

大各反皆以竹為之

膏火為燈炬

音蜜燭

救解貶秩祿

貶悲檢反

此說在官有罪幸逢赦令及人救解得免重罰

降其秩次而損其祿也

邯鄲河間沛巴蜀

邯音寒沛音貝

此畧說諸郡名也邯鄲趙國所都也河間言在

兩河之間也沛者本秦泗水郡屬縣也漢興更

為沛郡巴巴郡也蜀蜀郡也

潁川臨淮集課錄

潁川因潁水為名也臨淮居淮水之旁也集課錄者諸郡各上其計總會京師次其名錄

依溷汙染貪者辱溷胡困反

此戒守宰以下也依近也溷廁也言近溷廁者則被汙染貪賄賂者必致戮辱以財物比於糞穢為害染人也

右章第三十一

漢地廣大無不容盛盛音成

此為終篇述帝德也容盛猶言覆載也

萬方來朝臣妾使令令力呈反朝直遙反

威靈所被無息不服

邊境無事中國安寧境音景

遐邇謚清兵革靡用也境字或作竟古文通也

百姓承德陰陽和平

至誠音咸感神上玄降祉也

風雨時節莫不滋榮滋一作茲

仁及艸木皆茂暢也

灾蝗不起五穀孰成

每獲豐年倉廩實也天反時為灾蟲食苗曰蝗

五穀者黍稷麻菽麥也

賢聖並進博士先生

野無遺賢皆升朝也博士者多聞之士先生謂

老成之人也

長樂無極老復丁

樂音洛復注復除之
復音福今改扶又反

擊壤行歌喜寬政也老復丁者家有高年則

其子孫免賦役也

右章第三十二畢

急就篇

齊國給獻素繒帛

齊師尚父所封秦置郡漢為國封諸王都臨菑
今青州素白繒也建初二年詔齊相省冰純
方空穀吹綸絮注純素也冰言色鮮絮如冰穀
紗也方空紗薄如空也吹者言吹噓可成亦紗
也齊有三服官李斯云阿縞之衣注齊東阿縣
繒帛所出今鄆州地理志齊地織作冰紈綺繡

急就篇

卷之四

汲古閣

純麗之物號為冠帶衣履天下班倢仔怨歌新裂齊紈素貢禹言故時齊三服官輸物不過十寄

飛龍鳳皇相追逐

逐叶帛息韻詩采薇服叶棘小明福叶直文王服叶億楚辭九

章鞠叶抑

織帛為飛龍鳳皇之象飛翔追逐以成文章若前章離雲爵之類說文通釋遜者走也逐者追也豚走而豕追之此會意也

河南洛陽人蕃息

蕃音煩

河南成周之王城也洛陽成周之下都也秦三川郡漢高帝更名河南郡建武元年入洛陽定

都改河南尹郡國志洛陽周時號成周河內公所城洛邑春秋時謂之王城天子之都其民蕃阜滋息

與天相保無窮極

國祚之永與天同也

真定常山至高邑

真定國武帝置唐鎮州今真定府常山郡高帝置本恒山避文帝諱改今邢趙州後漢併真定入常山國高邑本常山之鄙縣光武即位於鄙南千秋亭五成陌因改高邑今趙州高邑縣鄙

音聲

乘而嘉寵升進立

多士乘時膺天寵也
階升類進立於朝也

建號垂統解鬱悒

悒音邑

中興建號垂統始於洛陽高邑萬方
和樂昔之鬱結憂悒者今皆紓解也

四民康寧咸來服集

民一作人

士農工商咸安其業
德澤所被悅服和集

何須念慮合為一

念慮一作命遍

天下一家民無二志
可以寬宵旰之憂

右章第三十三

山陽過魏

過古禾反

山陽郡景帝為國武帝為郡治昌邑今濟
州魏郡高帝置今大名府相州磁過經也

長沙北地

長沙郡秦置今潭衡等州北
地郡秦置今寧慶靈鹽宥州

馬飲漳鄴及清河

河叶方古韻
通飲於鳩反

左傳楚子將飲馬於河漳水一出上黨沽縣今
平定軍名清漳一出上黨長子縣今潞州各濁
漳鄴縣漢魏郡治今相州清河郡高
帝置後漢為國今貝州改為恩州

雲中定襄與朔方

雲中郡秦置唐為勝州單于府定襄郡高帝置唐為朔州朔方郡武帝開唐為夏州

代郡上谷右北平

代郡秦置唐為蔚州上谷郡秦置唐為媯州右北平郡秦置唐為薊州

遼東濱西上平岡

遼東郡秦置唐安東都護府之東境濱水際濱西者濱遼水之西也遼水出塞外遼西郡秦置唐為平營州爾雅山脊曰岡上登也或云右北平郡平剛縣也田疇曰舊北平郡治在平岡水經注平岡在盧龍東北

酒泉彊弩與敦煌

敦音屯一作墩

酒泉郡武帝開其水若酒唐為肅州俗尚武力彊弩出焉敦煌郡武帝分酒泉置唐為瓜沙二州敦大煌盛也

居邊守塞備胡羌

塞先代反羌起良反

邊垂障塞嚴其守禦以防匈奴西羌之患說文羌西戎牧羊人也

遠近還集殺胡王

遠近一心以殄滅胡虜為期

漢土興隆中國康

威武遠暢邊鄙不聳世道
日進於昌盛而諸夏安

右章第三十四

山陽二章後漢人所續御
其義詩篇末

急就篇

太宗實錄端拱二年七月丙戌以御書急就章藏於祕閣急就章者漢元帝時黃門令史游所作也帝畱心字學先是下詔求先賢墨蹟有以鍾繇書急就章為獻字多躡駁上親艸書一本仍刻石分賜近臣宋惟幹獻御書急就章賦以一軸賜之

漢黃門令史游撰

游元帝時人也見漢書藝文志黃門令屬少府

章第一

急就奇觚與眾異羅列諸物名姓字分別部居不

離顏本作雜厠用日約少誠快意勉力務之必有喜

碑本

請道其章宋延年鄭子方衛益壽史步昌周千
秋趙孺卿爰展世黃本展一作歷高辟兵

章第二

鄧萬歲秦妙房碑本妙作眇郝利親馮漢彊顏本作強戴護

郡景君明董奉德隨賢良顏本隨作桓任逢時侯仲郎

由廣國榮惠常碑本榮作崇烏承祿令狐橫朱交便孔

何傷師猛虎石敢當所不侵龍未央伊嬰齊

章第三

翟回慶畢稚季昭小兄柳堯舜樂禹湯碑本樂作藥

于登費通光柘息舒顏本息作溫碑本作恩路政楊碑本正陽顏本

霍聖宮顏文章管財智碑本管作筦智作曆偏呂張碑本偏作

魯賀喜碑本作熹觀宜王碑本作灌程忠信吳仲皇許

終古賈友倉黃本友一作發陳元始韓魏唐

章第四

液容調碑本液作掖柏杜陽碑本楊作揚黃本作度楊曹富貴尹李

桑碑本作李尹桑蕭彭祖屈宗談樊愛君崔孝讓碑本作襄

姚得賜燕楚莊薛勝客聶于將求男弟過說長黃本

長一作良祝恭敬審毋方碑本作無妨龐賞貢顏本作贛來士梁

碑本來成博好范建羌閭歡欣碑本欣作喜

章第五

寧可忘苟貞夫苗涉臧碑本苗作茅田細兒謝內黃柴

桂林溫直衡奚驕叔邴勝稍顏本邴作祊稍作箱雍弘敞劉

若芳毛遺羽馬牛羊尚次倩丘則岡顏本作剛陰賓上

翠鴛鴦庶霸遂萬段卿冷幼功顏本冷一作伶李本幼作衰武

黃本昌一作岡

章第六

褚回池蘭偉房顏本作防減罷軍橋竇陽原輔輻碑本作福

宣弃奴顏本弃作棄殷滿息克申屠交脩俠顏本交作夏公

孫都慈仁化顏本作他李本作地郭破胡虞荀偃顏本荀作尊憲

義渠蔡游威左地餘譚平定孟伯徐葛軾軻碑本軾作

咸敦倚蘇碑本倚作錡耿潘扈

章第七

焦滅胡晏奇能邢麗奢邵守實宰安其顏本作期俠却

敵代焉于司馬應顏本作衰尚自於陶熊罷解莫如樂

欣諧童扶疏顏本作疎痛無忌向夷吾閣并訢竺諫朝

續曾配顏本作增紀黃本會作魯遺失餘姓名訖請言物碑本無此

章

章第八

錦繡縵純離雲爵顏本純作純乘風懸鍾華洞樂

顏本懸作懸豹首落莫兔雙鶴碑本莫春艸雞翹

鼻翁濯鬱金牛見緇白勣一本作雲白齋縹緗綠純阜紫

砥碑本純烝栗絹紺縉紅絜青綺綾縠靡潤鮮碑本

綾作羅縹絡縑練素帛蟬碑本絡

章第九

絳緹絳紉絲絮綿碑本牝弊囊橐不直錢碑本

幣顏本作敝服瑣綸帶與繪連貫貸賣買販肆便顏本作

貫黃本資貨市羸匹幅全絺紵臬縕裏約纏顏本作

絳碑本作綵綸組縹緗以高遷黃本組作經量丈尺寸

斤兩銓所受付予相因緣顏本所
作取

章第十

稻黍秫稷粟麻稭碑本稭
作梗餅餌麥飯甘豆羹葵韭

蔥薤蓼蘇薑碑本薤蓼作蓼
釜黃本薤作齏蕪荑鹽豉醯酢醬碑
本

作醯
醬漿芸蒜薺芥菜萸香老菁藁荷冬日藏碑本
作威梨

柿柰桃待露霜棗杏瓜棣餲飴園菜果蔬助米

粮顏本
作糧

章第十一

白麩姝美奏諸君顏本白
作甘袍襦表裏曲領帟襜褕

袷復褶袴裪碑本褶袴作襲
袴顏本裪作禪禪衣蔽膝布毋縛碑
本

禪作單毋
縛作無尊鍼縷補綻縫紵緣碑本作箴縷補袒襜
緣循顏本補縫綻紵

履烏鞞褰絨緞紉碑本鞞作杏絨作
越顏本褰作哀鞞鞞叩角

褐鞞巾碑本鞞
作鞞裳幃不借為牧人顏本幃
作韋完堅耐

事踰比倫碑本踰
作愈

章第十二

屐屨絮薦羸窶貧碑本屨作菴黃本絮作
索一作素顏本薦作羸旃裘鞞

釋蠻夷民

顏本旃作氍碑本鞞釋
作索擇越本鞞作鞞

去俗歸義來附

親譯導讚拜稱妾臣

顏本讚
作贊

戎伯總閱什伍鄰

碑本

伯作貊總作
摠鄰作陳

稟食縣官帶金銀

顏本稟
作廩

鐵鉄鑽銓

釜鍍整

碑本鑽銓作銓
鑽李作鑽銓

鍛鑄鉛錫銓錠鏹

碑本錠
鏹作鏹

錠鈴鑼鈎鈇斧鑿鋤

顏本鈇作
鈇鋤作鉏

章第十三

銅鍾鼎劔銷鈹鈹

碑本劔作鈇鈹作
鈹鈹本劔作鈹

釭鐃鍵鐔冶

錮鑄

顏本鑄
作鈇

竹器箜篌篳篥篳篥篳篥篳篥篳篥

籥

筵算箕帚筐篋篋檣杆槃案杯間椀

顏本
檣作

檣槃作盤椀作盃
本杆作盃杯作椀

蠡升參升半卮觥

碑本作蠡
李本作

盃

櫛櫛裨栝七箸簪

碑本櫛作
櫛

甄缶瓮甕

瑩壺

顏本瓮甕作盆
碑本甄缶作缶甄

章第十四

甌甍甗甗甗甗甗

顏本甗作
甗甗作盧

絛縹縹索絞紡纆

碑本

作紡絞纆黃本
絛縹作縹縹

簡札檢署梨檣家

顏本作
槩檣

板竿所

產谷口斜

顏本竿作
碑本斜作茶

水蟲科斗蠃蝦蟇鯉鮒蟹

鱠鮓鮑鮓

碑本蟹鱠作鮓
鱠黃本鮑作鮓

妻婦娉嫁齋媵僮

碑本娉作媵

聘顏本媵作媵

奴婢私隸枕牀杠蒲弱蘭席帳帷幢

蘭顏本作

荏碑本李本作蒲
蒲黃本一作蒲

章第十五

承塵戶幪條續縱

碑本幪作簾續作墳顏本縱作總

鏡斂疏比各

異工芬薰脂粉膏澤簞

碑本芬作黃

沐浴揃撼寡合同

黃本作宣會同

豫飭刻畫無等雙

顏本飭作飾

係臂琅玕虎魄

龍璧碧珠璣玫瑰璫

碑本作璫

玉珰環珮靡從容

碑本玦作

琴射魁辟邪除羣兇

顏木作凶

章第十六

竽瑟空侯琴筑箏

顏本作錚

鐘磬鞀簫鞀鼓鳴

顏本鞀作鞀

五音集會歌謳聲

顏本集作總越本總作雜黃本謳作德

倡優俳笑

觀伎庭

顏本伎作倚

侍酒行觴宿昔醒

碑本宿作解

廚宰切

割給使令薪炭藿葦炊熟生獮膾炙載各有刑

顏本

獮作臄刑作形酸醎酢淡辨濁清

章第十七

肌膈脯腊魚臭腥酤酒釀醪稽極程碑本極作榮

顏本稽碁局博戲相易輕冠幘簪簧結髮紐顏本

簧頭額頰頤眇目耳碑本頤作鼻口脣舌斷牙齒黃作

頰頤頤項肩臂肘拳挽節爪拇指手顏本拳作捲

拳作卷爪作胛腴胷脊喉咽髑顏本脊作脇碑本

搔拇作母

章第十八

腸胃腹肝肺心主脾腎五藏肥齊乳碑本肥作臑

尻髓脊脊脊背呂碑本髓作股脚膝髓脛為柱碑

脚作脚黃本膝作踣蹠跟踵相近聚碑本踣矛鋌本

鑲橋刃刀鈎顏本橋釵戟鉞鎔劍鐔碑本釵

弓弩箭矢鎧兜鍪顏本鍪扶榼檣杖梲秘投扶一

顏本扶榼作鐵錘鐵垂檣本作

章第十九

輜輶輶軸輿輪輶顏本輶作輶黃本輶輻輳輶輶

輶輶輶顏本輶作輶碑本輶輶輶輶輶輶輶

章第二十四

灸刺和藥逐去邪黃芩茯苓舉茈胡

黃本茈作柴

牡蒙

甘艸菀藜蘆

碑本作藜蘆

烏喙附子椒茺華

碑本茺作元黃本喙

一作

半夏阜莢艾橐吾芎藭厚朴桂栝樓欬冬貝

母薑狼牙

顏本冬作東

遠志續斷參土瓜亭歷桔梗龜

骨枯

碑本莢作夾芎藭作弓窮黃本骨作骨

章第二十五

雷矢藿茵蓋兔盧卜問譴崇父母恐

碑本問作夢

祠祀

社稷叢臘奉謁禡賽禱鬼神籠

碑本禡作觴賽作塞

棺槨榘

積遣送踊喪弔悲哀面目腫哭泣祭醊墳墓冢

碑本

作醊祭

諸物盡訖五官出官學諷詩孝經論

章第二十六

春秋尚書律令文治禮掌故砥礪身

碑本砥作底顏本礪作厲

智能通達多見聞

黃本此句在春秋尚書律令文之上

名顯絕殊異

等倫抽擢推舉白黑分

碑本抽作超

迹行上究為貴人

碑本迹作積

丞相御史郎中君進退公卿傳僕勲

顏本退作

近前後常侍諸將軍

章第二十七

列侯封邑有土臣積學所致非鬼神碑本非馮翊作無

京兆執治民廉潔平端撫順親姦邪竝塞階理巡

碑本作變化迷惑別故新碑本此句在姦邪更卒皆理馴

歸誠自詣因司農少府國之淵遠取財物主平均

碑本作援衆

章第二十八

泉陶造獄法律存誅罰詐偽劾罪人廷尉正監承

古先總領煩亂決疑文變鬪殺傷捕伍鄰黃本鬪

亭長游徼碑本游共雜詆盜賊繫囚榜笞臀朋黨一作罰

謀敗相引牽欺誣詰狀還反真黃本詰

章第二十九

坐生患害不足憐辭窮情得具獄堅藉受證驗記

問年藉顏本作籍證閭里鄉縣趨辟論顏本趨鬼

薪白粲鉗鈇髡不肯謹慎自令然輸屬詔作谿谷

山碑本作 毓筴起居課後先斬伐材木斫株根

章第三十

犯禍事危置對 冒謾訑首匿愁勿聊碑本匿 縛束

脫漏亡命流碑本束 攻擊劫奪檻車膠嗇夫假佐

扶致牢痕痲係辜啼呼噪碑本作詭呼 乏興猥逮

訶謾求碑本逮 聊覺没入檄報畱顏本聊 受昧枉

法忿怒仇碑本法

章第三十一

譏謔爭語相舐觸碑本舐 憂念緩急悍勇獨越本

更黃本 迺肯省察諷諫讀涇水注渭街術曲碑本

水涇 筆研籌算膏火燭碑本籌 賴赦求解貶秩祿

顏本求 邯鄲河間沛巴蜀潁川臨淮集課錄依溷

汙染貪者辱越本溷

章第三十二

漢地廣大無不容盛萬方求朝臣妾使令邊境無

事中國安寧百姓承德陰陽和平風雨時節莫不

滋榮

碑本滋作茲

災蝗不起五穀熟成賢聖竝進博士

先生長樂無極老復丁

碑本災蝗作蝗蟲顏本熟作孰

章第三十三

齊國給獻素縉帛飛龍鳳皇相追逐河南洛陽人
蕃息與天相保無窮極真定常山至高邑乘而嘉
寵升進立建號垂統解鬱悒四人康寧咸來服集
何須命遍合為一

黃本命遍作念慮

章第三十四

山陽過魏長沙北地馬飲漳鄴及清河雲中定襄
與朔方代郡上谷右北平遼東濱西上平岡酒泉
疆弩與燉煌居邊守塞備胡羌遠近還集殺胡王
漢土興隆中國康

黃本濱作齊

碑本皇象書

顏本顏師古注

黃本黃魯直

李本李仁甫

越本朱文公刊于浙東

卷十四

十四

漢書



